

天一閣藏明代方志選刊

武城縣志

嘉靖武城縣志

武城縣志序

若韓宣子適魯見易



春秋而曰周禮盡在魯矣

子有志於夏商之禮祀宗

之文故而志之則每款生世

滋志一而信大矣武城雅

稱矣是舊志有志不才承

乏數月所造是情陳武城

泉源初若之曰老子者之
史也證古今現今點點
於氣承在余曰子孫子
教是是志可收謬作及
哉乃是翠於三河曰劉
君求和鶴西船汶配山東
通是亦昂如志再所以
所及次第第地又屬辭比

徑付海濱名邸於一邑矣
致所係去未及先與而多
所裁亦不絕在士高志曰生
戶如無憂身為洋編次補亡
多如藉慶正閱肉年稅務終
完案未為今於是宗承驛屋為
十卷首疆域巨明封字次
戶陸以重之好力次者賤以

明者守，相與波之，也中人如
 矣，昔枝次之，而風化，敬以矣
 送柔次之，而為次，以與，其起矣，信
 老為物，時理，得甚，其述，為物，色
 之，默，祥，美，為，為，混，濁，之，應，故
 人物，之，年，存，之，美，又，次，之，至
 於，富，矣，其，美，之，次，之，皆，之，實
 足，聞，也，以，其，性，志，雖，各，而，以

名之、史於是已多備矣、大者
一也、史於人、史於政、史於
生、已、以、其、未、備、也、而
詭、利、執、病、為、因、為、年、燦、然
可、觀、也、人、者、其、不、若、也、附、之、生
得、壽、者、其、而、執、也、執、者、而、法
為、也、燦、然、也、可、觀、也、志、成、之
及、也、產、者、也、土、也、於、人、於、也

而猶人之爲也。然則知矣。將以是仁
出。博之。而所以是也。於前。而自定
矣。夫。使。中。而。出。止。於。人。於。時
而。猶。之。也。而。爲。之。也。宜。而。爲。也。
政。生。也。博。而。爲。也。是。於。人。而。爲
一。而。矣。然。則。是。也。志。而。信。也。也。
法。從。以。觀。是。也。獨。文。具。而。也。
茶。茶。也。實。信。信。而。及。及。也。也。

國來之厚望其言氏
為成城宰文以字之為德
敬之仁道甲此之仁也
聖人傑漢之厚以年如
孫伏伽法公仁以在存
業為東郡則此其出城
之見其在於文之德矣
為成城宰文以字之為德

邵平來不佞，
彈迷管見以
足能，
吐洵志，
其

嘉如，
甚也，
已，
濁，
及，
六月，
之，
書，
遂，
事，
即，
知，
武，
城，
事，
事，
晉，
江，
是，
洲，
尤，
麒，
後，
序



武城志凡例

一誌中書法多做山東通志東昌郡志提其綱而
詳其目庶斯邑之實錄後人有稽焉
一古今事蹟以類纂集首疆域次戶賦次官職祀
典次學校選舉人物文章祥異而終之以雜志
蓋建立縣邑既定然後山川景物有所附田賦
戶役有所出由是則可以建官而祀神由是則
可以興教而達材若夫考德以文驗治於天又
皆理之不可緩者而叢說異端斯其為雜而後
之矣略有次第云

一舊志以疆域建置戶賦分爲三綱今削去建置
係之官職以官署城池橋渡之類皆有司事也
疆域備一邑封畛戶賦係一方命脉皆如舊名
一戶賦以給公上之需官職以理士民之政舊有
記載率多缺畧今獨致詳始末與夫經理之方
使繼此者踵而行之有所斟酌以稱民便焉
一祠典所以崇德報功也他志徃徃附之學校今
特提爲一綱者示崇重也

一河渠已見山川官職志又志河防者蓋

國家以河運爲重而本縣原設主簿一人又爲專攝

其事甚大務也矧河流出沒不常時有衝決實
城守繫之故又爲之立目焉

一名宦人物書之將以爲吏士之勸是必終始先
德無纖芥可議者始可立傳近日有纂輯者乃
一槩收錄今考其人名宦惟關西姚公人物惟
交趾劉公行己矯矯人鮮克儼餘只取其一節

耳非所以要其生平也今亦姑存以俟來者

一官職政教之所出歷代官司遠無從稽今據郡
通諸志參以耳目所及者以次編年導示懲勸
見任不著事迹者遠嫌也人物亦然

一學校官職之所司選舉學校之所出入物實視此而成焉一事也而分三類者以非盡出于此亦特志之以示崇重而小目不足以該之也

一武城自漢趙公苞以後諸先哲由薦辟顯者最盛唐自崔群崔堰諸君俱以進士起家選舉志不志之者以不能詳其年代況此數人特其可見者不能盡其餘也不能盡其餘又何為志之哉故特見之人物傳云

一舊志人物多分事類似詳而無體今止用賢達以舉其全孝友以考其行武功以考其績皆丈

夫之選也至於貞烈亦女丈夫也故特志之
一文章不能廣載惟采其有關一邑之大體及可
以備本志之闕畧者錄之或第斷章摘句各附
于本類之下以備覽觀
一祥異所志類取災異而不及休祥者志以示戒
非以導侈也

一疑跡怪事固不敢信但土俗流傳圖志登載已
久難以遽削姑存之雜志以俟明哲

一英賢有功茲邑者理宜立傳第考其人於茲邑
殊不相涉難以類入故特附之雜志以俟後之

脩輯者考焉

地 里 之 圖

府 景 州 故 城 縣

洪 官 院

大 車 院

鏡 陽 店

雙 梁 院

德 化 院

古 黃 河

苦 水 院

傳 官 院

西 李 院

尺 官 院

鼓 歌 廟

治 平 院

社 稷 壇

此 極 廟

清 武 廟

武 城 縣 官 署

回 大 廟

陳 公 祠

武 城 縣 署

府 衙 門

三 官 廟

三 官 廟

山 川 壇

臨 清 州


臨 清 州 直 隸 真 定 府 廣 平 府 界

西 至 直 隸 真 定 府 南 宮 界

西 南 至 直 隸 廣 平 府 界 河 縣

治 縣





科馬房工專刑身兵



儒

教諭宅

訓導宅

鄉賢祠

明倫堂

日新齋

先師廟

東齋

啟聖祠

文廟門

東門

四



號房

號房

號房


訓導宅

時習齋

西廡

齋宿

學門



武城縣志目錄

疆域志卷之一

沿革 鄉屯 景致 風俗 星野 山川

形勝 古蹟 壙墓

戶賦志卷之二

戶口 地畝 稅糧 徭役 屯田 莊田

河灘 馬政 課程 物產

官職志卷之三

職秩 題名 名宦 武備 郵政 城池

河漕 橋渡 公署

街坊市
舖附

祀典志卷之四

壇壝 馬神廟附

城隍 吳公祠 名宦祠

鄉賢祠 忠臣祠 烈女祠 生祠

學校志卷之五

學制 廟貌 啓聖祠敬一亭 書院 社學

選舉志卷之六

進士 舉人 歲貢 例貢附 封典 思蔭附

人物志卷之七

賢達 孝友 武功 貞烈 義士附

文章志卷之八

制命 雜文 雜詩

祥異志卷之九

雜志卷之十

寺宇 神廟

第一卷疆域志

晉江見洲志
麟輯

晉江淺泉陳靈輯

邑人高可大校正

禹貢分州必以山川而別封域俾有民社者各

專所守武城爲東郡要區實古趙地平廣曠濶

四無山阜東比強齊歲飭武備邑之得名蓋本

於此然與莘靡常遷隸匪一罔核古昔間乃本

之境土考之呈次驗之風物參之川陵一邑大

致猶有足徵失茲不紀後之文獻何述乎作疆

域志

沿革

武城禹貢冀州之域春秋為晉東鄙地晉因備
齊始城焉七國為趙地趙惠文王封公子勝為
平原君食邑東武城此蓋其地也秦屬鉅鹿郡
漢置東武城縣改屬清河郡東漢隸清河國晉
宋以來仍屬東清河郡隋開皇初郡廢改清河
縣仍別置武城縣屬貝州唐徙永濟渠西舊縣址
仍屬貝州宋徙永濟渠東古謂之東流村為今治屬恩
州金如宋舊元改屬高唐州

國朝因之隸山東東昌府高唐州廣四十里袤七十

五里上觀京師七百里北隣故城七十里南接

夏津里五十東抵恩縣七十里西距清河里五十南取

東昌十一里八東取高唐里九十東南取濟南八十二

里至南京十一里千六百三

鄉也

鄉三

治平縣西南居賢縣東南德化縣北三

屯十八

傳官縣西西李官縣西苦水縣西洪官

縣北十里馬圈縣北三里雙塚縣北二里祝官縣北十里南朱

官縣南十里南李官縣東南三里鄭官縣東十里魏官縣南十里

五縣東十里占官縣東北五里小朱官縣東十里唐留縣北五里

大興無屯氏散處曹官縣西北五里大阜縣西北五里

蘭縣東北十五里

按鄉為土民屯為遷民洪武初制則然今無復

辨矣

景致

舊志載有八景不著作者名氏今考之遗迹不

無存者第其詳不可得聞矣

層城夕照

在城西衛河側影

泮井泉聲

在文廟前東流鉤月

在城東北勢如鉤月然

南浦浮烟

在城西十里地

花園春

色

地名在治平

柳林秋霽

在河灘柳林舖

桃園曉露

甲馬營北有桃

園村

蓮池暮雨

在縣南二里俗謂之紅花口

按郡志有澹村勝跡饒陽古塔二景竊謂此邑

既非子游之舊則無澹村可知且饒陽小塔不

為壯觀敢以為然耶

風俗

民風朴厚俗尚禮節質直好義不事浮屠力稼

穡務蠶績文士彬彬有古風烈舊志民務農桑士

敦禮義人才有正夫之氣鄉俗有孝友之稱郡志

高亢尚氣奮激輕生

新

按郡志俗尚為古數年以來則見朴厚者漓矣
禮失之野矣質直諛矣浮屠事矣耕績惰矣士
風日驕煽矣分門割戶尚闕輕生日異一日矣
竊嘗維持其間而力弗之逮也夫俗繫於風風
者政之動也移易之機惟有力者共齒之

星野

武城古冀州地其在天文當畢昴大梁之次也

郡志

按晉天文志自胃七度至畢七度為大梁於辰
直酉趙冀之分野魏太史陳卓云昴畢趙冀州
分清河入昴九度清河即今恩縣治漢隋以未
武城俱屬清河今縣治去恩僅七十里則分野
之在昴昂
也信矣

山川

武城地勢平行無名山之限惟衛河發源於河

南衛輝之輝縣漢名屯氏河隋煬帝伐高麗時

疏之改名永濟渠又名御河河流自臨清州經

縣城南遶城西北又東北注於直沽入海黃蘆

河縣西北二十里五溝河縣北四里沙河縣東南

許蔡河縣西北五里許里人一字河紘歌臺西

相傳為秋胡妻處

按五河盈涸靡常綿延經數十餘里舟楫不通
穀魚匪產居民甚苦之前此因察率與膏腴之
田同征役焉吁可惻已

形勝

武城南接聊清北通景德三面帶河地平土沃

風景奇勝

郡志

按武城地卑土淖又當衛河下流之衝三面受
害一遇水滂堤岸潰決室廬蕩沒則浮舟入
坊肆矣矧惟不可以稼穡乎隸民者往往不審
實效乃以玉帶環城目爲形勝之區其亦惑於

風水家之虛談矣

古蹟

舊縣址城西北十里許蓋漢時建宋大觀為河水

建又不可考絃歌臺舊縣址內臺高絃歌書

院縣西南十里元泰定間邑人王仲德星堂唐

郭建宣宗以其一門有式百畝元王仲施

泮井文廟東嘉靖廿七年始見知縣

墟墓

秋胡墓舊縣東孫伏伽墓縣東北三十里崔群墓文廟

耿將軍墓縣東北十八里程思溫墓縣西北十

集撰 碑 劉昱墓 縣東北三十里 王士嘉墓 縣南一里許 和玉直墓 縣南一里許

高弼墓 縣西十二里 王道墓 縣南二里許 分宜縣高撰碑

按事必有蹟愛其人則思考其蹟古人往矣而

蹟至今存如絃歌臺院諸賢林墓是已第世代

改革基堙湮滅有可愴悼者封植之政可後哉

按武城肇域魏晉後入趙為趙東境歷千百年

來朝代變革山川形勝稍稍僅見然亦恐非清

河東武城之舊矣竊嘗考之風土云燕趙之士

多慷慨悲歌今之民性雖為愚弱而奮疾之氣

時發作之似亦猶有如風土所云而太史公書

星土之次又明信足為左券其為東武城無疑
矣第廢基舊趾多著魯蹟况數百年來官思學
道士恥由徑諱半絃誦之風如前志之所述者
豈古人朴陋徇名責實不暇考按世以相襲遂
無差別歟考魯城當在兗之費邑縉紳先生既
以今之武城當之觀厥遺俗良有攸證邑之稱
重豈惟其地哉

第二卷 戶賦志

周禮大司徒頒職事于邦國都鄙小司徒乃經
土地而井牧其田野重民命也歲獻民數於王

王拜受之重邦本也至於服役輸將之政尤加
詳焉重民力也武城最爾邑而戶役賦稅較諸
邑為獨繁今附以馬政課程物產為戶賦志示
民社者知所重也重之則思為之所矣

戶口 前代無考

洪武二十四年戶五百二十二口三千二十

永樂十年戶二千四百七十口一萬三千七百
八十八

天順五年戶二千四百九十九口二萬六千八

十二

正德十年戶二千八百六十一口二萬七千四百七十四

嘉靖二十一年戶二千八百八十四口二萬八

千二百三十

按武城戶口稀少良由水旱頻仍沅移者多也

日者撫摩招來民亦稍稍復業比之往歲頗為

地畝前代無考

洪武時官民地五百三十八頃三十四畝

永樂時官民地二千六百七頃九十五畝

天順時官民地二千六百七頃九十五畝

正德時官民地二千六百九頃六十六畝

嘉靖時官民地二千五百九十頃二十一畝

稅糧

洪武時夏稅麥八百七十六石三斗三升絲綿三十斤二兩二分

永樂時夏稅四千一百七十二石六斗八升絲綿一百四十四斤三兩八錢八分秋糧九千七百二十六石二斗五升綿花絨一千九十三斤九兩六錢

天順時夏稅四千一百五十五石二斗九升絲

綿一百四十四斤三兩八錢八分秋糧九千六

百九十五石六斗九升綿花絨一千九百三十九兩六錢

正德時夏稅四千一百五十九石二斗八升絲

綿一百四十九斤六兩二錢七分秋糧九千七

百石三斗三升綿花絨一千九百六十八斤六兩

嘉靖二十一年夏稅四千一百五十七石二斗

八升絲綿一百四十七斤六兩三錢七分秋糧

九千七百石三斗二升綿花絨一千九百六斤

六兩八錢每糧一項徵草七束共徵草一萬九

千八百三十五束

按禹貢以壤之黑白而上下其賦示均則也茲

邑土有白黑而賦無重輕况地多鹵斥而旱潦
不常一槩征之則可謂均否耶如南方有糧一
石則派本色折色各五斗不論貧富按糧均派
蓋地之所收同則官之所歛亦同其事甚公而
書手那移之弊亦少今以九則分派則上戶糧
一石至納銀一兩下戶只銀三錢此豪猾之糧
所以必逃之下戶而吏胥得廣緣為奸也夫地
畝之所出既同而徵輸之政則異豈均則之道
我或以地之沙鹵戶之逃絕為言今欲均派以
通之當必有活法矣

近議以沙地數實另造一冊夏秋則派輕糧里
甲則豁半差亦均則之遺意也聊志以俟

徭役

武城編戶二十一里每里十甲每甲十戶十年
一次輪差凡催辦錢糧勾攝公事悉以委之謂
之里役又以丁糧之差分為三等九則人戶二
年一審以應各衙門之差每差以二年為限限
滿仍前審編謂之均徭

按里甲均徭雖一省通法而茲邑偏累已為痼
疾官茲土者苟以秦越相視民亦扶傷應命待

斃而止少加垂念未嘗不為疾首痛心也余每承公委歷稽旁治有水衝者有陸衝者有水陸俱衝而地方少裕且有驛逆可以分役協勞民亦未見甚病惟茲邑中有運河一帶東西又有黃河沙河故跡地多沙鹵不堪行輦德府王庄工部河灘德青二衛屯所又盤據爭割乎其間水路由臨清抵德州陸路由臨清抵故城俱為必經之地甲馬營驛逆雖為所屬而兩地策應未嘗少減上官陸行者夫馬僕從動以百數里甲惟覓費用不貲邑疲而地復衝亦難乎其為

民矣至於均徭重難益加呻吟之聲觀其二年
一差已無息肩之日門丁疲薄而編差額數反
倍于茲大邑蓋嘗檢閱冊籍始知我民之苦於
重役非惟上司不之知雖我民亦不自知之也
查得附近州縣門丁二銀與編差額數相當倘
有不足每門丁銀一兩加至八分多至一二錢
三四錢而止茲邑素稱極累門丁二銀不勾舊
額編差故有明加暗加之數東郡諸縣編差加
銀之累未有如武城者也况頻年水旱荒饑百
姓嗃嗃罔攸存濟豪軍奸民影射滋弊里甲重

差我民實殫貨倒產以應代之其為鈔害固不知其所終矣尚賴當道垂仁曲屢積年沉痾繼今或者其有瘳乎

今將二十八年均徭則例開列于后

武城縣嘉靖二十六年丁門銀一千五百八十

兩舊無此數每百兩計編省泃府泃銀八十二兩

七錢計編一千三百兩

按二十六年青冊只有門丁銀九百五十九兩

九錢四分今二十八年則例以丁門銀一千五

百八十兩編差蓋傳寫之誤也若依二十六年

門丁銀九百五十九兩九錢四分定差所編額
數更當為減省矣

省派

京班皂隸柴薪八名銀九十兩直堂一名銀一兩胖

襖六副四分銀九兩六錢狐狸皮一十二張銀六兩軍

器銀二兩十五錢柴夫四十八名銀一百四十八兩八錢木柴

銀九兩柴薪皂隸挾察司一名銀一十二兩

府派

庫子甲馬營水驛六名銀二百七十六兩館夫甲馬營

水驛三名銀二十七兩防夫東昌迤運所四名甲馬

營逆運所二十四名銀一百六十兩渡舖夫本縣運

河一百五十名銀六百兩

二項共編一千三百八十八兩一錢原編數多今量減外

尚多編銀八十兩一錢

縣派

祭祀銀文廟四十兩啓聖祠三兩六錢名宦鄉賢祠各

三兩社稷壇二十一兩山川壇六兩一錢厲壇一兩一錢八蜡

廟一兩五錢馬神廟二兩絃歌廟三兩六錢鄉飲二兩一錢歲

貢銀三十兩公用銀二百兩柴薪皂隸知縣四名縣

丞主簿二員各二名銀九十兩馬夫知縣縣丞主

簿典史四員各一名銀一十六兩齋夫教諭訓導三

員各二名銀七十兩膳夫四名銀四十兩門子知縣二

名縣丞主簿典史三員各一名銀二十兩教諭訓導

三員各一名銀九十兩文廟一名啓聖祠敬一亭一

名名官鄉賢祠一名銀九十兩社稷山川厲三壇一

兩布按分司府館三處各一名銀三十兩皂隸知縣

一十四名縣丞主簿二員各六名典史四名銀一

百二庫子二名銀一十兩儒學一名銀三十兩禁子四

名銀四十兩弓兵甲馬營巡檢司二十名銀四十兩斗級

官倉一名銀二十兩儒學舍一名銀三十兩預備倉每穀

二千石一名每名銀六兩巡捕二名銀八兩司兵總舖

四名新興舖二名銀二十兩鐘夫一名鼓夫二名

銀三兩看倉夫水次一名銀五錢有馬快手二十名

銀三百六十兩民壯團操五十名銀三百六十兩守城五十名

銀二百兩

按二十八年則例武城銀力二差共用銀二千

三百八十五兩三錢審過九則門丁銀九百四

十五兩二錢八分外少銀二千四百有奇除九

則遞加又將寄庄地科銀方足一年所差之數

銀差雖依原編之額唯下下戶及寄庄戶銀一

兩止秤一兩雖有加耗亦不甚多力差所編一
兩有加二三兩者有加六七兩者如倉老人則
一兩至費數十兩矣本縣原無上土戶至二十
六年審役乃提上中戶四戶上下只二戶中上
一戶中中一十八戶則民之貧富可知矣今以
上中一戶論之門銀三兩每一兩加銀五兩共
得一十八兩謂之明加將此十八兩編差如倉
老人只編六兩則用七八十兩河口夫編銀四
兩則用至十二三兩暗加之數殆不知其幾倍
矣況此徭役之外又有大戶之差養馬之費走

迎夫脩河脩城夫之增雖灑翁孩童有不免者
民何不幸而生茲邑也平居無事猶可苟且目
前萬一邊陲有警或遇河決四境盡為洿池惟
有流移轉徙為盜偷生而已當道君子幸垂仁
而寬假之黎民庶其有賴乎

屯田

德州左衛屯田八所
劉旺屯在治平鄉李貴屯在歸

仁鄉薛福屯在饒陽店張忠屯劉家寨張盈屯在吳家寨胡真

屯在至魏真屯在魏村魯福屯在夏家

莊田

德府莊田一所七十八頃九十八畝田在鄭家
口北夏麥地二十二頃六十九畝有奇每畝徵
銀八分歲徵一百八十九兩五錢秋糧地五十
五頃二十八畝有奇每畝徵銀五分歲徵二百
七十六兩四錢三分秋夏大戶二名及期收完

解府

河灘

河道原灘官地五十頃七十四畝六分每畝徵
銀三分歲該徵銀一百五十二兩三錢三分新
增官地四頃三畝每頃徵麥二斗歲該麥八十

石六斗甲辰年以來解赴臨清夏公祠應用今
皆派入河灘矣

按濱河地土一遇水發不無崩陷東流西涸之
地復增河灘糧五六十頃武城地額只有此數
崩陷者不減而河灘愈增有此理哉河道田糧
已有冊籍未可輕議長民者可將新增之地給
前崩陷之家佃種以補虧累不使狡猾之徒有
所占據誠今日之要務也

馬政

原額種馬一百二十疋兒馬二十四疋騾馬九

十六疋分為三群每群兒馬八疋騾馬三十二疋而以群長一人主之有司以時課其肥瘠督其孳生每歲起俵二十四疋以備用焉

按武城種兒馬一百二十疋其政則散給二十里民戶不論三等門則計其丁力地出芻豆以供飼之本縣原無官地草場供飼為難且養馬之外他役如故城有所不堪者至於每歲應依則該年駒頭共市以充之賂費無極一遇郡司查點之候供輸勒索民愈告病矣要之充東郡邑皆然而武城小邑較為尤劇青登萊三郡獨無此馬共勢逃不均謂之何哉

寄庄

寄庄戶嘉靖二十七年地六百六十七頃三十
六畝該徵糧二百六十六頃九十四畝

六分奇

課程

按寄庄戶俱係附近衛縣而本邑奸猾亦因緣
假托冒立寄庄每遇征輸之期我民困憊多枝
找指揀買膏腴地者滋倍于前不少
差獨歸貧民奸猾得志市地地利盡歸寄庄而重
加裁抑不數十年寄庄之戶與民戶殆相埒矣
近蒙則例每畝一頃納銀四兩民困其少蘇乎

武城原額各色課鈔一千九百七十九錠三貫
七百八十一文商稅課鈔一千七百八十一錠二
貫六百一文稅契課鈔二十五錠二貫六百文
酒課鈔五十九錠二貫三百五十七文房地賃鈔

三錠四貫七十文船課鈔二十七錠三貫五百
三十文稅契工墨舊額課鈔三十錠四貫二十

文棗樹舊額課鈔二十三錠三貫九百一十文

物產

穀類 黍 稷 菽 麥 秫 藁 芝麻

蔬類 芹 芥 葱 韭 菠薐 蘆菔

蘇 蓼 瓜 茄 蔓菁 白菜

藥類 生地黃 桑白皮 益母草 兔絲子

車前子 狗杞子 茴香 菊花

蜀葵

果類 石榴 梨 棗 桃 杏 沙果

木類 楊 柳 椿 榆 槐 栢 桑 柘

禽類 鶉 鴿 鷄 鴨 鵝

畜類 牛 馬 驢 騾 羊 豕 犬

虫類 蜂 蠶

魚類 鱉 鮑 鱈 鯉

貨類 絲 麻 綿花 紬 絹 菊酒

蜜 蟬 鱖 鮓

按武城土地狹沙鹵多陵谷溝渠道路又居其

大半物產其間者率不良然亦不廣金鐵魚菹

之利全無律以旁邑又為疲薄不堪之甚民之

生于茲者又多遊惰不諳治生之術全賴谷土

谷土實不足以贖之加之水旱相仍荒饉荐臻
弊端蠹政滋蔓其間民之號苦額天者不知其
幾也是故水陸俱衝夫馬下程之費在追徵之
外者里甲之苦也門丁疲薄編差加銀之數在
大邑之右者徭役之苦也大戶之編例應七則
以上本縣則多在下中走遞夫之編例在路夫
額數本縣於均徭之外又編青白二夫則大戶
走遞夫之苦於本縣為尤劇矣至於養馬俵馬
之費豪軍寄庄之累脩城脩河夫之增在東郡
諸邑皆然者固不必一一盡述之也百姓疾苦

百孔千瘡朝不謀夕無所控告爲民上者撫摩而與咻之猶懼其生怨也貪夫酷吏復時肆誅求釁刑峻法必置之死地然後已烏在其爲民牧哉子方啼飢母之罵者復奪之食牛方存喘牧之悍者復疾其鞭有人心者亦可以深長矣思

第三卷官職志

官職志志官政也首職秩焉志制也次名表焉志忘也遠而忘者多矣故于表表焉者特書焉官而特書可以觀政矣政莫大乎治兵卹民也故志武備志郵政示威愛之不可偏廢也雖然

邑之所務城池要矣河漕急焉橋梁津渡又政
之不可闕者可不為之地乎故又志公署終焉
蓋出政地也司厥政者其亦慎厥政所錄出之
地哉作官職志

職秩

歷代無考

國朝原設縣知縣一人

縣丞一人主簿一人

幕典史一人屬教諭一人訓導二人巡

檢一人驛丞一人大使一人陰陽訓術

一人醫訓科一人僧會一人道會一人

廩膳生員二十人 增廣生員二十人 附學

生員不限額數 司吏九人 典吏十七人

題名

知縣王憲 洪武時任河南開封人見名宦志 奚英 永樂時任 向脩 正

時任河南 姜昇 景泰時任 陳常 景泰時任 祁壽 景泰時任 伍

善 天順時任 孫脩 四川合州人進 姚顛 成化時任 陝

人見名 丁政 成化時任直隸 孟 成化時任 金果 成化時任 直隸

崑山王良 成化時任陝西 伍居謙 成化時任 直隸

生 鍾永 弘治時任京籍 吳縣 李天章 弘治時任 直隸

人舉趙璽 弘治時任直隸 張琰 弘治時任 浙江

夏誠正德時任直隸人舉光正德時任直隸人饒獻

正德時任直隸揚州人監生胡一德正德時任直隸人舉人

王彪正德時任直隸人舉人王文昌正德時任直隸人舉人

渠嘉靖時任河南人舉人見名宦志吳人舉人清

成淑望上下趙時勉嘉靖時任河南人舉人見名宦志吳人舉人清

庭嘉靖時任山西人舉人見名宦志吳人舉人清

直隸人蘇紳嘉靖十六年任河南人舉人

遷喬嘉靖時任河南人舉人丘道明嘉靖時任福建人

上杭人監生洪量嘉靖時任直隸人舉人

見名宦志洪源人監生尤麒嘉靖六年

任人舉人黃盞嘉靖十一年秦健嘉靖二年

任山西臨汾人舉人

縣丞孫永洪武時任李縉天順時任劉智景泰時任

直隸安張宏成化時任李宗成化時任李瀾成化時任

成化時任河由洛陽人李文觀成化時任河史書成化時任

人吳偉成化時任王鶚成化時任靳璠成化時任

文安人直隸楊整成化時任丁宜弘治時任韓

宗堯正德時任馮縉正德時任魏絰正德時任

鳳陽人王恭正德時任高尚志嘉靖時任陝西

楊濟嘉靖時任史霈嘉靖時任直隸

陳孝芳嘉靖時任夏能嘉靖時任三柿嘉靖時任

時任直隸 **李章** 嘉靖二十六年任河南封丘人 **金璽** 嘉靖二十

年任湖廣夷陵 **焦黔** 嘉靖三十八年任直隸樂城縣人 練衆多方民賴以安官科不事賦自先完

主簿 **張璉** 天順時任 **孫讓** 天順時任 **王春** 成化時任

人 **王海** 成化時任 **祝盛** 成化時任 **李崇** 成化

州人 **曹海** 弘治時任 **姚廷玉** 正德時任 **朱**

景 正德時任 **楊憲** 正德時任 **趙偉** 正德時

人 **李忠** 正德時任 **杜璘** 嘉靖時任 **朱永**

昌 嘉靖時任 **何騰霄** 嘉靖時任 **趙先** 嘉

二十六年任 **傅環** 嘉靖二十年任 **陳邦政**

西清源人 **監生** **孝義人** **監生**

嘉靖三十三年任 **監生**

直隸 **井陘人** **監生**

典史樊敬專承樂時任直隸新城人材能濟不

之京民不忍其去詣閱保改鑄時天梁辰成

留朝廷嘉其得民命復任改鑄時任徐天秀正

時任祿成化邢軌弘治熊孟祥弘治徐天秀正

任祿成化邢軌弘治熊孟祥弘治徐天秀正

任薛慶嘉靖時任李珍嘉靖時任黃伯宏嘉靖

任薛慶嘉靖時任李珍嘉靖時任黃伯宏嘉靖

廣東傳李秉中嘉靖二十六年吳文瑞十三年

任李秉中嘉靖二十六年吳文瑞十三年

任王佩嘉靖三十八年任直隸鳳鳴守雷守人

任王佩嘉靖三十八年任直隸鳳鳴守雷守人

教諭李棗正統時任直隸歐陽正統時任

教諭李棗正統時任直隸歐陽正統時任

士徐瑁景泰時任河南蔣珍成化時任直隸歐陽

士徐瑁景泰時任河南蔣珍成化時任直隸歐陽

祿成化時任直隸程杲成化時任直隸楊正

祿成化時任直隸程杲成化時任直隸楊正

時任河南夏陸秀弘治時任天上謝正德

時任河南夏陸秀弘治時任天上謝正德

時任河南夏陸秀弘治時任天上謝正德

直隸長洲趙蓮正德時任直隸李錦山西潞州

人貢生周大柱嘉靖時任福建莆田縣蕭羅龍嘉

時任廣東順德人嘉靖時任河南洛陽

舉人嘉靖時任江西陳露嘉靖二十三年任

子嘉靖二十三年任劉待時嘉靖二十三年任

福連莆田人舉人揚洲嘉靖三十三年

成教符體士咸官之揚洲任河南新鄉人

訓導韓恭宣德時任山西歐陽充宣德時任江

士王惟孝正統時任河南俞大鯨正統時任南

陳章嘉興府人貢生浙江王登天順時任直隸莫欽

咸化時任
廣學勤政
弘治時任
王英選
湖廣呂化

人貢
楊能
宋澤人
貢生
特政
弘治時任
真徐

貢
弘治時任
直隸
項忠
正德時任
福建晉江
劉

鐸
嘉靖時任
陝西
劉珍
嘉靖時任
河南南
國始人

之
唐志
嘉靖時任
直隸
武勳
嘉靖時任
直隸
傅

安
嘉靖時任
直隸
徐彊
嘉靖時任
直隸
王鶴
嘉

同
任山西
大立
臆
嘉靖時任
河南
朱蘭
嘉靖時

常
嘉靖人
王騰
嘉靖三十一
年任
徐邦
彥
嘉靖二

人
直隸
顧登
嘉靖三十一
年任
浙江
嘉靖人
貢

而
嘉靖
姪芳
嘉靖三十一
年任
傳克
急
嘉靖三十

江山陰
人監生

巡檢馮朝東嘉靖二安化縣人七年任陝王漢嘉靖直隸

徐州人嘉靖三十四年任陝西人

驛丞郎昆嘉靖十八年任直隸趙點嘉靖廿二年

人承麻端嘉靖廿五年任陝劉爵嘉靖時任

大使姚福嘉靖二十五年任李恕嘉靖時任易任

俊嘉靖時任王大用嘉靖三十三年

名宦

國朝知縣王憲河南開封人洪武間任清靜寡欲撫
民有方錢糧軍需不勞而辦上下咸倚重之

姚顯陝西咸寧人由舉人初任齊東惠政大著
成化中補武城索介自持隸薪之費一無所取
妻躬紡績服食糲糲同於凡人斷獄不用刑杖
惟以禮義曉譬之而人自悅服常循行阡陌導
民以耕稼產畜之利開誠布公上下宜之歲旱
禱雨雪無不立應教與生儒講論經義至人倫
大節則反覆詳明一時人士皆翕然嚮之後陞
太僕寺丞百姓號泣擁送者數千人至於築城
之勞至今猶有遺思云

鍾永錦衣衛籍吳縣人由進士弘治初任持法

嚴明存心平恕脩舉廢墜剷革豪強中貴經此
者遠避而不敢近且廣潔無私處事不苟民懷
吏畏有董宣陳寔之風焉

王滎河南磁州人由舉人嘉靖二年任性狷介
淡薄自甘平易近民民用和乂今有去思碑及
遺履在焉

趙時勉徽州歙縣人由舉人嘉靖八年任心存
惻怛政務寬平而清白自持聽斷無枉至於救
荒之政尤竭心力嘗泣旣當道以蠲其輸民賴
以濟今配祀陳公生祠焉

丘道明福建上杭人由貢生嘉靖二十年任廣
潔持身公平為政省河夫百餘名及免歲輸銀
二千餘兩邑民甚蒙其惠當道屢薦其能後以
應召之京百姓遮哭至脫履以行

教諭周大柱福建莆田人舉人嘉靖三年任性
溫克接人以禮遇士以恩每與生徒講論亶亶
忘倦至於德行之科循循善誘士樂從之而博
學無方字畫詩章亦盡其妙一時文行甚見推

重云

訓導項忠福建晉江人由舉人正德十四年任

廣靜存心愷悌接人且博學善文闡明易學為
時彥所宗嘗預典北畿文衡所取多為名士穆
玄菴深敬重之

書名宦何稱其實也夫名者實之實也實章而
名隨之矣武城名宦若而人焉其不書者可知
已君子論世必有嘖嘖頌德者亦豈無指名譽
議之者乎要皆其人之自取焉耳言及於此良
用揚然

武備

教塲城外西北隅廣三百步有寺演武亭塲正北將臺亭左偏高

教演武坊陳公祠後知縣許逸喬建

按武城攝臨清景德之間乃東藩西北門戶適年以來北虜陸梁謦言深入茲實當其要衝焉誠可懼已舊設民壯才百名又半為鎮司之所徵調近日增添義勇棄置不常率皆僉諸役外倉卒有警何以責其實效耶飭武備者誠不可不預為之所矣

郵政

預備倉縣治東南隔有司歲糴及養濟院舊在東門

內嘉靖二十五年知縣洪量改建於縣治東南知縣允麒扁名內孤老每月給米三斗歲給

衣布銀二錢嘉靖二
十六年增布一尺

按窮民無告率皆仰給公上死生饑渴不啻若
在膏火者之願清涼也故我國家以來首先是
政養生喪死恤災拯難率有成規而有司相承
亦能遵行惟謹百八十年餘民無天札溝壑之
患者良以此也詳錄于此以示來牧

惠民藥局 縣治前洪武
間建今地

義塚 縣治東北十里許
有邑人梁端撰文

城池

邑之有城始于晉秦漢以來皆因之唐移城永

濟渠西宋大觀間移今治元李城毀于兵

國朝成化初知縣姚顯區畫築建正德九年知縣饒
懃重脩之嘉靖庚寅秋河決衝額百餘丈知縣
王時雍典史薛慶重脩之戊戌夏復大水城頽
尤甚知縣許遷喬再加脩飭城周四里許高二
丈濶一丈九尺池深一丈二尺濶三丈城有四
門門有樓東曰生光樓西曰映碧樓南曰舜阜
樓北曰拱極樓

附建城大畧

夫邑之有城所以捍外衛內保障生靈固仁人

君子所當為者然其勞民傷財亦莫甚於此況
當布綏之征而又加以力役則民有弗堪予其
忍為之乎當道督之甚峻故不得已偕同寅邑
中父老相度土地以為城基遂計料計功計役
取河岸碍路木八十株作代繩束枚括邑人有
力者八百戶各出木一根為牆板築地之下者
高一丈濶三丈余與地之平者均四面以繩直
之使勢嚴正四角各有廉隅始築自西門以四
十丈為一工立牆輪于兩頭夾竿上開口置于
兩傍下入土各二尺上用橫木兩頭入五寸餘

開項套入住夾竿口以束墻板以木榑繫之版
盡則去榑脫板升下而上以相承載而築易為
成功也供役者於有丁力之家三丁取一總三
千五百人作二番越十日一代上不失公家之
役下不妨田野之功門臺甃石則因河流之便
采石於衛水之山陶甃瓦於河濱其版築之具
則為棧為舖可供其需經始于成化三年四月
落成于是年十月也嗟夫城固高而堅矣使官
于此者無卹民之仁而不得民心之和誰與之
守孟子曰地利不如人和是也苟有仁人君子

以盡教養之實則民得飽煖知事父兄事長上
之道所謂可使制挺以撻秦楚之堅甲利兵矣
守城之役云乎哉知縣姚顯撰

按武城乃山左西北之極壤地指關河平曠無
險阻有變輒干楯塞境罕所章蔽又且河流暴
怒衝突不時正德嘉靖以來不二三十年凡兩
遇流寇三遇大水式廓未增濠塹不濬邑胡以
賴哉有民社者其盍之

河漕

堤堰

右堤廣三丈去河數尺許
新堤廣丈許去河數步

淺舖九座西關舖 桑園舖 商家道舖

侯家道舖 徐家道舖 呂家道舖

白龍頭舖 大龍頭舖 灣頭舖 柳林舖

耿家林舖 大還河舖 高家道舖

陳家橋舖 何家道舖 半居橋舖

丁家道舖 陳家橋舖 方遷舖 王家道舖

孟家道舖 水流舖 絕河道舖 北調嘴舖

南調嘴舖 初家道舖 周家道舖

劉家道舖 以上一十九舖俱知縣尤麒督主簿趙光大重建以居河夫

淺舖夫二百九十名

按運河一帶係一省通行要津而淺夫重難獨
 編在武城邑小役繁民不堪命久矣廿四年知
 縣丘道明具申撫按會議省編淺夫一百二十
 名至二十八年則例始別省派府派縣派復省
 編二十名而以朝城夏津二縣充編庶一府重
 差不專在一縣然拘舊額一時難盡釐正也

河道木廠一所

水次倉東北河道樹株椿草石
 硯等物貯之

按武城境土狹近而衛河乃行乎其間築高濬
 卑訖無寧歲適來秋雨瀰漫浸淫岸障崩塌而
 西河黑陽山水時復橫漲民之生斯實無聊賴

長民者苟防塞惟力溝澮得法則糧運庶為無滯民亦免于魚
鼈矣

謝公堤

知縣謝英頭蒞政年餘巨盜病民者悉弭之適嘉靖丁巳歲
河決渡口徑入武城民間田廬盡衝汝焉父老成數其災以

告公夙夜不遑遂允請當道由毛家庄迄西李村建堤更三
十里濶三丈高丈許因鑿河引入古黃蓋河量工計役不兩
月間而急勅成之武城接境南北積萬餘家咸賴焉其占
民田價稅亦酌處之土庶皆曰允符於蘇公堤故以是名其
詳具於碑記

按堤禦捍大患民利無窮恐歲久易湮有司視為末務而流離
之民復見矣今特書之以昭於後

橋渡

水橋成化初知縣姚頭冬月虞民涉水乃構橋河上以渡春水
解盡乃撤百姓德之號曰水橋今廢以舟易之

小橋縣西一字河太平橋東門離月橋南門兌澤橋西門永濟

橋北門四橋今俱廢渡船河西河北

按橋渡民用利涉邑事之最不可緩者有司或末視之則一有

發缺非完政矣今特列之城守河防之次

公署 街坊市舖附

武城縣治 城東偏洪武三年建知縣尤麒有聯句治崇東 縣門 舊開言于高風地邇北畿首被聖明新化

儀門 角門 守已愛民堂 御史李復初扁知縣尤麒有聯句天監在茲對越時提起一念

民瘼孔疚撫綏後 戒石亭 堂前 吏戶禮兵刑工六房 堂東

承發司 東三房 架閣庫 典史典史廳右 豐積庫 堂左

退省堂 堂後 馬政科 房西三

知縣宅 退省堂後 縣丞宅 縣堂東 主簿宅 縣堂西 典史宅 儀門

東馬房 公塾前 吏廨 東 西三房 在主簿宅右 獄 西

門 土地祠 儀門左 榜房 縣門前 養庶倉 縣門內官 水

次倉縣治後兌鍾鼓樓即生申明亭縣治前旌善

亭廢鸞駕庫縣治東陰陽學縣治東醫學縣治南一

甲馬營水驛 巡檢司 通運所三署俱在甲

治東北二十五里洪武初建 僧會司即什道會司 接官亭

西開街

布政分司縣治東南

按察分司縣治東二司 嘉靖間知縣許遵為重修

太僕寺分司縣治東北 東昌府館縣治南

年 建

街 六 東街 西街 南街 北街 新德街

三

東街河西街街河西岸為

坊承流宣化坊在縣治前育材興賢坊在儒學

司空司寇坊少師少保坊都憲坊俱為

宗伯坊為王雙魁坊為王經亞坊為梁少卿

坊為李總憲坊為徐經臣坊為王少參坊為梁

桂林坊為果英選坊為梁攀蟾坊為高英俊坊

為馮騰蛟坊為李青雲坊為周紹芳坊為吳通

政坊為劉世科坊為梁雲梯坊為李解元坊為梁

謙地官坊為郭理儲坊為高思榮坊為王進士

坊為周接武坊為高光裕坊為徐承

光坊為徐彩鳳坊為王鵬搏坊為王大參坊為高

地官坊為王鯤化天池坊為王南宮論秀坊

東省賓賢坊為王賢書衍慶坊為王貞節坊為梁

謙妻劉氏天官少宰坊 宗伯司成坊為王

市河東市縣河西市衛河西甲馬營市城北二

新興市城西二饒陽店市城西北

按此猶有聚貨致民之意有司又有秤斗戶有

日巡以防其擾戢其奸蓋司市之遺法耶

舖總舖縣門新興舖縣治東

按官職有兼統有分理縣秩雖微備六卿之事

三十一

馬令掌一邑之政丞司巡捕簿司河漕幕榻焉
政分之則各舉其職合之則共濟其美而今實
兼統之要於奉公守法事治民安而已今之官
弗稱者皆以平日苦志勞形一登仕籍若取償
舊直然面趨已使不悉民瘼此豈

朝廷設官之意哉不知天之立君以為民也君之立
官豈為恤我之私者耶戒石之詞曰爾俸爾祿
民膏民脂下民易愚上天難欺惟同志者奉此
訓以周旋則所以守官者自不容以不謹矣

第四卷祀典志

傳曰國之大事在祀故
禦災捍患有功德於民者
皆不可廢也若忠臣烈女行能出衆足以式今振後
者法得附書

社稷壇北城西山川壇南城邑厲壇北城東八蜡廟壇社馬

神廟邑厲東城隍廟縣治土地祠縣治關侯廟縣治

吳公祠城西王鵝縣北內有元李士名宦祠舊在縣治前

御史陳公西民思前令姑顯命度祠祀之十九年知縣許遷喬改建於布政司八司之在

東昌郡守陳公生祠在縣治西門外嘉靖九年陳公儒因國為民

靖三十六年來公守志因湧為民建堤吏民思之故建祠云內有祭酒王道進士彭文質碑記

巴侯謝公生祠在縣治西門外嘉靖三十六年謝公

故楚祠云內有吏科
給事中鄭茂碑記

傳曰太上立德其次立功崇德厚必食其報武

城樹功德於民者若妣顯謝慶顯班班可考汝世不

忘後世祠之豈不宜哉蓋秉彝好德人心同然厥後

宜民宜人效法而迭出其所以淑諸後人者亦不淺也

鄉賢祠在儒學日新齋之東嘉靖元年改建內
祀光賢十三人有都憲陳公草文附之漢遂西太

守趙苞拒寇害母魏司徒謚文貞崔浩博極群書廷尉

卿崔光諳博學好禮梁國子博士崔靈恩精習五經

唐大理卿孫伏口有才有量侍中張文瓘諫有聞刑部尚

書崔隱甫諫自持吏部尚書崔群有裨朝政明交趾參

政劉昱

勇於有為
行軍死難

禮部侍郎王士嘉

清譽大振
端重不苟

少師封荏平伯吳中

節財裕國
持法寬平

四川僉事周洪

嘉靖九年

庶吏部侍郎王道

嘉靖二十七年陳
提學增入

按舊志載武城自漢魏以來應祀人物幾三十

餘人今所錄才十三人耳又參之以近日之所

增入者慎擇也獨惜乎宋興一代寥落無聞焉

豈自大觀而後詞運熾則文運不能不因之而

暫晦耶郡志又載馬公處厚而通志無之考其

世當是單州城武人亦檢閱之誤也烏乎其繁

祀之訛

忠臣祠

縣東永樂中為參政劉昱建今廢

烈女祠

城西衛河西之崖正德中僉事錢公為烈女王大兒建今圯

生祠

城西衛河東岸嘉靖二十二年知縣丘道明為前東昌太守陳德建有王漢碑記

按民匪穀則不食穀匪土則不生土匪風雲雷

雨則不滋雲雨匪山川之氣蒸液則不降思之

為厲匪有所依則不息故皆為立壇祀之禮有

法施于民者有死勤事者有以勞定國者有能

禦大災捍大患者匪崇德以報功則不義故皆

為立廟祀之茲邑揆舊志所載壇墀祠廟其應

朝典及禮可義起有鄉先生沒而祭于社者皆

謹錄于冊其餘矣于此而若不經者一時未能
討其迹之所由起不敢遽黜然亦不敢濫附率
以存之雜志後之崇明祀者尚其擇焉

第五卷學校志

學校化本也其為教宜崇而其為制宜廣也故
古者家有塾黨有庠術有序示廣也大學始教
庠序祭菜示崇也武城自

明興以來厥有學制朝度弘設文物殷陳教亦云
崇矣然又系之以書院照之以社學其制蓋淺
以廣焉吁可以觀化矣作學校志

學制

學宮

東偏 螺治前

學門

南門 二門

明倫堂

後堂 文廟

明倫堂

後堂 文廟

中有崇正學三大字御火李復初病有教諭陳露聯句仁義禮智根於心克得盡可希賢希聖

天地人物備于我識日新齋左時習齋右義路

坊

時習 禮門坊

日新齋左二坊

饌堂

教諭 教諭

宅

明倫 訓導宅

一教諭宅左右

射圃

東偏今廢 號

房

時習 養賢倉

禮門東師生

文廟正殿

明五

在明倫堂前東西兩廡在廟兩翼

宋大觀間創立元李燾於兵我

初洪武初重建未築二年知縣奚英脩治之後圯於

於水天順間知縣伍善因舊基增廓制極宏麗

嘉靖二年知縣王潺修治之二十年兩廡傾頽

知縣立道明又修治之廟度秩然完固外有泮

池前有櫺星門三內有戟門三有角門二有齋宿

房二間有祭器庫二間有神厨三有碑亭二座東大

李賢記西學士
安成彭時記

御製卧碑 明倫堂左壁

御製師生俸廩碑 廟門下

御製敬一箴碑亭 戟門之左

啓聖公祠 附在敬一亭

原制祭器錫爵

一百二十箇

籩豆

共五百四十四箇

帛匣

十箇

牲匣

四箇燭臺

二十對香爐

二十箇

罇壘案

三張

矮卓子

三張

原降書籍四書大全 易經大全 書經大全

詩經大全 春秋大全 性理大全 五倫書

儀禮注疏 射禮集 大禮集議

書院

縣西南十里今廢

社學 縣治東一所 甲馬營一所

按呂祖謙曰聖人流澤於天下後世莫有大於

作人言化民成俗恒必由此也誠使師儒嚴章

程士入尚廡耻長吏又以身帥先提撕而作興之則教化之隆風俗之厚即言氏之武城矣世之重學校者皆曰祭器書籍社學書院不知此皆文具所必張者其本則不在是烏昔言氏以禮樂為教遂聞絃歌之聲宗言氏者將求之絃歌之聲乎抑求之學道之教也施為之緩急必有能辨之者

第六卷選舉志

王制大司徒命鄉論秀士升之司徒曰選士司徒論選士之秀升之學曰造士大學正論造士

之秀升之司馬曰進士今文科貢蓋遺意也武
城雖小不之入焉附之以例廣恩也以封典廣
孝也以叢舉立賢不問其類也作選舉志

國朝進士

永樂乙未科梁用初授行人權監察御史嘗按
治宦者賍私謫彰德推官復以忤宦者謫大名
府經歷與郡守意義不合遂致仕

宣德庚戌科王玉王士嘉長子弱冠登第為翰
林庶吉士授檢討歷侍講擢河南按察司副使
卒于官

天順甲申科二人

郭昂任戶部主事改慶州府通判卒

梁謹端之子歷戶部主事負外郎中擢陝西布政司參議

成化丙戌科二人

傅希說任戶部主事陞廣西按察使有政譽後以征蠻忤當道謫慶州知府卒于官

高弼歷官陝西參政致仕

見人物志

己丑科王問任戶部主事陞負外出知永平府以能稱改徽州府為人公直英敏尤長於詩兩

守劇郡皆有政績以山西叅政致仕后遇

詔進階三品

乙未科周洪歷官四川僉事

見人物志

弘治癸丑科徐淮初授饒陽知縣以廉能著民

為立碑改知儀真以抗中官謫貴州按察經歷

擢撫州通判清苦自勵卒于官貧乏無以為殮

同列為治襯焉

正德辛未科王道由翰林院庶吉士歷吏部右

侍郎卒于官

見人物志

辛巳科劉希稷任戶部主事卒

見人物志

嘉靖丙戌科高琦弼之子授歙縣知縣剛方不
撓遇事風生尋忤觸當要遂謝病家居以詩酒
考終云

舉人
洪武丙子科劉泰初任監察御史
永樂癸

未申鑑廣平同知許簡布政司侯昂鉅鹿訓導辛卯科李

珍歷官大甲午科梁用見進士丁酉科劉琦廣平

庚子科賈昭陳晉訓導姚斌慶都訓導王王進士宣德

丙午科馮勉

工部郎中

壬子科梁端

見人物志

正統辛酉

科姜義

崞縣知縣

丁酉王璽

如縣知縣民為立

李暉

陳州李正

景泰庚午科王夢熊

馮良

定遠訓導能詩程

豫武李

丙子郭鼎

進士

天順己卯科梁謹

進士

傅希

訖進吳晉

中書舍人

壬午科梁謙

解元

李翔

延安通判

成化

乙酉科高弼

見人物志

戊子科王問

進士

周洪

見人物志

辛

卯科梁誠

前州同知

弘治壬子科徐淮

進士

戊午王邦

互汝寧

通判

辛酉科梁瀚

確山知縣

甲子科王道

進士

周延

齡

石泉縣知縣

王行可

刑部員外以正

正德庚午科王

涇癸酉科劉希稷

進士

丙子王用可

南和縣知縣

徐子

棟黎城知縣嘉靖乙酉科高琦進士戊子科吳守素

甲午科王幼康道之子癸卯科于守中

丙午科高可大琦之子

歲貢洪武時四人劉昱 王士嘉 吳中俱見人物志

劉宗道兵科給事永樂時一十四人商志監察御史景亮

工部王杲校森趙昇都督府經歷薛鑑知縣高昂知縣李

賢知縣孟榮知縣郝順知縣魏懋知縣張啓長子劉士英

府知楊時江陰縣知縣楊信吉安主簿宣德時九人馬爵府

事知周正判官楊佐東城兵馬周勉太康縣知縣宋欽吉州知州郭

顯衛知事王顯汝州判官李恕安仁縣知縣祖寅正統時九

人王驥冀州吏目王豫陽城縣知縣任孚周安縣知縣高昱光祿寺監事

常春長洲縣知縣黃聰新昌縣知縣穆敬中城兵馬隋敬王昌

景泰時六人商震周盛祝英永東縣丞商灌滎陽

縣知霍禎太康縣知縣劉恩天順時十三人王泰陳州同知

劉紹宗大寧民為立碑崔璉孟津訓導賈諒樂清典史馮英主簿

李春主簿王弘劉璉李瑄縣丞王泉縣丞霍琪

孟安趙胤成化時十八人張全玉嵩縣主簿

王錫河津縣丞周顯宜都知縣吳循鞏州主簿隋宜香河訓導于瓚

清河教諭吳玘果州判官戰寧鄆縣主簿周玘開封經歷王效南河訓導

于麟臨晉訓導梁愷永城主簿劉瑄管陽功陞府知縣以劉璧王府

典梁悅容和縣丞商弼均州判官劉璿勤州吏目潘本勤州吏目

弘治時十一人艾俊引禮舍人王澤榮澤訓導王春靈壽訓導

郭弘恭棗強訓導王玟清河主簿鞏山姚妃主簿祁旺

馮鳳翔主簿李雲張浩正德時十人王鳴

鳶冀山知縣于嵩蘆山訓導王堂蔚州訓導周世儒河曲知縣高嘉

元見人志潘桂王府助教徐瓚洛州訓導姚天經靜樂主簿周遐

齡永清教諭王許可柔縣教諭嘉靖時魏諒鞏州判官徐濟

周經

潞城主簿

王希哲

房山縣丞

鞏璋

興濟訓導

王獻可

藁縣知縣

王邦器

鞏縣訓導

梁材

壽陽訓導

戰應吉

宋檜

崔鸞

劉希尹

趙儒

劉希契

三河訓導

蘇琢

隆慶訓導

孟希

賢

周尚義

張均素

馮邦寧

例貢

成化時二人

商輔

中城兵馬

高璠

善化縣丞

正德時

十人王鳴鳳

引禮舍人

王知可

張廷珍

王府奉祀

張鸞

衛經

初登瀛

初登省

徐容德

張應可

吏目

李思可

趙鶚

文水主簿

嘉靖時

王萬斛

溧陽主簿

潘鯨

趙鯨 王養愚 張君善 楊簡 梁金

業舉 國朝吏材 李真 永樂間任高平尉陞陞知

祀初 儒士 張應薦 嘉靖廿四 張君化 嘉靖廿四

封典

國朝 吳淵 以曾孫中貴贈杜 吳成 以子中 王勝 剛孫

士嘉貴贈嘉議 王成 以子士嘉 李士賢 以子吟

大夫禮部侍郎 梁端 以子謹貴贈 馮士中 以子勉貴贈 高

昱 以子彌貴贈 王循 以子問貴贈 梁誠 以子

經政 王宗 以子道貴贈 劉壁 以子希稷貴

恩蔭

王濬

以祖士嘉蔭仕
至鳳翔同知

吳賢

以父中蔭世襲
緜衣衛百戶

第七卷人物志

世稱人物為造化之所孕育山岳之所鍾融信
哉其為風土之所榮藉也武城自漢魏以旋英
賢踵出相望焜耀歷南北朝隋唐以迄趙宋歷
歷可紀也胡元居閏哲人道憂天啓

皇朝鬱然嚮用又視昔先民有執馮故志賢達志孝

友志武功志貞烈固爛然昭茲簡策矣作人物

志

賢達

①漢趙苞字威豪初舉孝廉遷廣陵令政教清明
擢遼西太守抗厲威嚴名振邊俗嘗遣人迎母
及妻子時值鮮卑入寇劫母及妻貨載以擊郡
苞率二萬騎對陣悲號謂母曰本欲以微祿奉
養不肖為母作禍母曰威豪汝不聞王陵事耶
母相顧以勵忠義苞即進戰賊遂破母妻皆被
害苞殞殮畢歸葬靈帝遣策吊慰封鄒侯苞塗
途謂人曰食祿而避難非忠也殺母以全義非
孝也遂嘔血而死

崔琰年二十九始從鄭玄學仕袁紹為騎都尉
勸以守境述職不聽歸曹操甚見信任使傳世
子世子好獵琰諫曰今邦國殄瘁明公親御戎
馬世子宜以身為寶乃猥襲族虞之賤志雉兔
之娛有識者所當惻心也及魏建國拜尚書時
太子未立臨淄侯植有才而愛太祖疑未決琰
曰春秋之義立于以長植琰之兄女婿也太祖
服其公亮

崔林字德儒琰從弟仕魏初除鄠長單步之官
刺史上其德政累擢中丞出為幽州刺史明帝

立賜爵關內侯遷司諫校尉為政雅誠存大體
嘗與劉劭論考課曰考課之法存乎其人今之
制度不為甄濶若大臣能任山甫之重式是百
辟則孰敢不肅孟康薦其台輔之才後為司空
進安陽亭侯食邑六百戶

南北朝

崔宏字玄伯林六世孫少有俊才號冀

州神童魏道武聞其名徵為黃門侍郎議定國
號為魏從幸鄴歷問故事應對如流時命有司
制官爵撰朝儀叶音樂定律令申科禁皆宏總
裁後以計議平胡拜天部天人進爵為公宏雖

居重位被寵任而儉約自居不事產業出無車
乘朝野重之卒贈司空謚文貞

崔浩字伯深宏之子少好學博覽經史玄象百
家之言俱極精妙歷官著作郎道武常置左右
問以異事時群臣畏上威嚴莫不逃避浩獨恭
勤終日不歸上每賜以御粥明元初拜博士祭
酒賜爵武城子嘗授帝經每郊祀父子並軒輅
時人榮之又請建儲貳評論人物為朝廷所重
帝嘗稱浩精於天人之會博聞強識使佐太子
多所規正後襲爵白馬公累官司徒自朝儀詔

策軍國書記多關於浩浩留心於經術不好莊
老之書作家祭法蒸嘗之禮又參著作序國書
三十卷

崔逞字叔祖琰五世孫也好學有文才仕燕補
著作郎嘗撰燕記遷黃門侍郎及慕容璘僭立
遂歸魏道武甚禮遇之拜尚書遷御史中丞時
攻中山六軍乏糧逞曰飛鴉食甚而改音可取
以助軍食帝從之許民以甚當租一時便之
崔頤字太冲逞之子仕元魏為騎常侍賜爵清
河侯太武間宋以其兄為冀州刺史乃曰義隆

用其兄我豈無冀州地耶遂以為冀州刺史後
入為大鴻臚嘗以奉使能光揚國命見重於時
崔休字惠盛性勤學軍旅之暇手不釋卷嘗參
定禮儀為時所遵後為渤海太守下車先戮豪
猾數人禽剪奸盜清身率下部內安之延大儒
張吾貴使訓士類儒者稱焉歷幽青二州刺史
卒贈尚書僕射謚文貞

崔悅字長儒休之子初仕魏後歸齊神武以達
義功封武城公有文學寡言辭端疑如神以簡
貴自處鄭伯獻嘗曰身長八尺而似刻畫聲款

如洪鍾胸中貯千卷書使人焉得不服

崔瞻字孝通俊之子也潔白善容止神采嶷然
言不妄發才學風流為一時之冠衣長於詩魏
孝靜以人日召與其父俱侍宴為詩問邢詔等
曰瞻詩何如其父咸曰俊博雅宏飛瞻氣調清
新並詩人之選使陳陳人見其禮貌雍容辭命
溫雅大相欽服天統末加驃騎將軍銀青光祿
大夫卒贈大理卿濟州刺史謚曰文

崔仲文俊之弟有文學太和中為相沙苑之敗
仲文持馬尾渡河神武望見遣船濟接之曰卿

為君為親不顧萬死可謂家之孝子國之忠臣
矣天保中俊為侍中仲文為光祿大夫同日受
拜時謂兩鳳連飛嘗教為觀射詩十首操筆立
就後拜散騎常侍卒子偃仕至洗馬尚書郎

張彛字慶賓性剛強有風槩宣武初除安西將
軍秦州刺史務尚式典考訪故事方伯羽儀赫
然可觀羌夏畏服時太極初就彛以勤奮被徵
進撫軍將軍其為政清身奉法士庶愛仰之後
加征西將軍冀州大中正

崔亮字敬儒少貧乏傭書自業時李冲當國亮

族兄光勸徃依之亮曰弟妹飢寒豈容獨飽自
可覩書於市安能看人眉睫乎光言於冲冲召
之薦為博士孝文時徵為吏部郎兼尚書左丞
亮雖穎妻嘗親事春歎帝嘉其清苦詔帶野王
令孝明時遷黃門侍郎仍兼吏部領青州大中
正自參選事慮慎明決後為吏部尚書為格制
不問士之賢愚專以停辭日月為斷沉滯者皆
悔其能甄琛黃璉而行之歷侍中復加散騎常
侍卒贈車騎大將軍儀同三司謚曰貞烈
崔光詔亮從弟性嚴厲聲韻抗烈仕魏累官司

空卽以母老解官歸。尋徵司徒諮議。後為東道
軍司。元顥入洛河南。莫不風靡。刺史廣陵王欣
集文武以議所從。光韶抗言。指顥為亂賊。請斬
其使。以折顥鋒。境內獲安。徵輔國將軍。遷廷尉
卿。永安亂。遂還鄉里。閉門却掃。戒子孫以儉約。
卒。遺言。不求贈諡。孝靜時。贈驃騎將軍。

房法壽。小名烏頭。幼孤貧。好射獵。仕宋為魏郡
太守。後以武功賜爵。杜武侯給以田宅。奴姪性
好施。親舊賓客。率同飢飽。廩常不足。時論高
之。卒。贈青州刺史。諡敬侯。

房豹字仲幹體貌魁岸美音儀年十七辟州主簿清河中無西河太守政貴清靜遷博陵樂陵俱有政聲樂陵瀕海水多鹹苦豹命鑿一井遂得井泉時謂政化所致豹歸井味復鹹齊滅遂還鄉閭頻被徵命俱不應以疾終於家無子以凡熊子彥翊翊明辨有學識仕至殿中侍御史

房景先字光胄幼孤貧無資從師其母自授毛詩曲禮年十二謂其母曰豈可使兄傭賃以供我耶請自求不然後就學遂求得一羊表忻然

自足晝則懃蘇夜誦經史侍中在光歎其精博
奏兼著作郎脩國史侍中劉穆又啓景先撰宣
武起居注領尚書郎齊州中正性沈敏方正事
兄恭謹兄有疾躬侍湯藥衣冠不解卒贈洛州
刺史謚曰文嘗作五經疑義百餘篇合成十卷
崔靈思少篤學徧習五經尤精三禮仕魏為大
常博士後歸梁累遷步兵校尉兼國子博士聚
徒講學從者數百人性拙朴無風采至解折經
義甚有精致都下舊儒咸稱重之先是論天者
互執渾蓋二義靈思立義以渾蓋為一焉仕終

桂州刺史所著有毛詩周禮集註三禮三傳義
張譏字直言幼聰悟有思致年十四通孝經論
語篤好玄言仕梁爲士林館學士侯景寇臺城
譏獨侍太子不去臺城陷崎嶇避難卒不仕景
陳天嘉中爲國子助教辨論名理時彥苞服後
主任東宮時賜以玉柄麈尾陳亡入隋終於長
安爲人恬靜慕閑逸所居宅營山池植花果
講周易社老而教授焉所著有五經義孝經論
語義社老玄部義等書後主勅就其家寫入秘
閣子孝則仕爲始安王記室叅軍

張謐字處言仕宋歷青冀輔國長史後以勲賜
爵平陽侯性開通篤於撫恤青齊之士雖流戍
未姻咸相敬視寵要勢家亦推懷陳欵卒謚康
張正見字見疇父濟禮魏散騎侍郎初任陳後
歸梁簡文存東宮正見年十三獻頌深蒙賞
嘗預講進請決疑義吐納和順進退詳雅四座
咸屬目焉仕終尚書度支即有詩文十四卷
張晏之晏之孫幼孤母鄭氏教誨動依禮法仕
魏從爾朱榮平元顛賜爵武城子晏之文士兼
有武幹高岳征潁川嘗與惟惺之謀又以短兵

接刃親獲首級後仕齊官至徐州刺史百姓為制清德頌云

崔景真琰之六世孫仕北齊為平昌太守有惠政嘗懸一蒲鞭而未嘗用及去民立祠祀之

崔祖思仕齊為內史屢陳政事高帝將加九錫祖思曰公以仁恕匡社稷宜執股肱之義不宜如此帝授禪除黃門侍郎嘗勸武帝以體唐成儉踵虞為樸請置廷尉簡三官罷雜伎置鍾簏羽戚登歌皆從官至青冀二州刺史為政清簡謙卑下士甚有譽望焉

崔懋祖字悅宗少好學聚書萬卷仕宋為始安王記室王好碁數召之輒辭以拙非朔望不見也沈約謝朓嘗會集賓友摘問懋祖以地理所不悉者十餘事懋祖酬據精審一座皆服所著有海岱志行於時

隋崔儵字岐叔少以讀書為業嘗大署其戶曰不讀五千卷書者無入此室初舉秀才歷負外散騎侍郎嘗預定五禮脩律令歷尚書郎與頓丘李若俱見稱重時人語曰京師灼灼崔儵李若開皇四年徵授給事郎兼內史舍人後為易

州刺史仁壽中卒於京師

房彥謙字孝冲豹從子七歲能誦萬言十五受
學于尹琳遂通涉五經雅有詞辨十八為齊廣
陵王主簿清簡守法州境肅然齊亡誓不仕隋
文受禪以常藝固薦不得已應命擢承奉郎遷
監察御史時高穎定考課彥謙曰比見諸州考
校執見不同况復愛憎恣意賢否混淆唯顧遠
布耳目精加訪察庶幾有光治道穎為之動容
後為司隸刺史凡所薦舉皆疇類表式受彈劾
者亦無怨言復以直道為執政所嫉出為涇陽

令卒於官貞觀初以子玄齡著熟庸贈都督謚
曰定

乘慶威字元敬晏之子也高祖得政引為相府
典籤即位授內史舍人謁者大夫嘗在途見一
遺囊令左右負之而行後數日其主求認悉以
付之淮南太守楊綝與數人來謁帝問首立者
為誰慶威下殿就視而後答曰楊綝也帝曰卿
為謁者乃不識此人耶對曰臣非不識但慮不
審耳石建數馬足憤之至也其廉慎如此時帝
好巡幸百姓疲敝慶威數上封事帝疏之未幾

卒於官

張愛雄愛威弟少有才氣為秦孝王法曹參軍
王嘗親按囚徒愛雄誤不持狀口對百餘人皆
盡事情同輩歎服歷壽春陽城二縣令俱有治
績云

唐崔善為性敏悟巧于曆數初仕隋為文林郎
督工徒營仁壽宮總監楊素索簿閱實善為執
板暗唱無一差謬素大異之隋政日紊善為密
勸高祖畜天下及兵起署大將府司戶參軍封
清河公累擢尚書左丞用以清察諸曹曹吏忠

之以其短而嘔朝之曰曲如鈎例封侯欵沮罷
其任帝聞而勉之因辨謗者乃止傳仁均撰戊
寅曆李淳風詆其疏帝令善為考得失多所裁
正貞觀初為陝州刺史時議徒畿內人丁以聚
關東善為力奏以虛近實遠非經久計詔可之
歷大理司農二卿卒贈刑部尚書謚曰忠
孫伏伽初仕隋以小吏累勞補縣法曹武德初
上言三事擢治書侍御史又表置諫官皆見欽
納太宗立遷大理少卿帝敕出馳射伏伽諫曰
天子之居出警入蹕非直尊其居處為社稷生

民計也。比聞走馬帖射，娛悅群臣，非所以導養
聖躬垂訓後代也。帝曰：卿言朕失，朕能改之。後
為大理卿，司農市木，槿倍直，與民右丞常悰劾
吏隱沒事。下大理，伏伽曰：緣官市貴，故民直賤。
臣見司農識大體，不見其罪。帝謂悰曰：卿不逮
伏伽遠矣。久之，出為陝西刺史，致仕。卒。始伏伽
拜御史時，先被內旨而制未出，歸卧於家，無喜
色。頃之，御史造門，子弟驚白。伏伽徐起見之，入
稱其有量，以比顧雍焉。

崔神慶，舉明經。武后時，為萊州刺史，入朝侍制。

億歲殿奏事稱旨擢并州長史長安中為禮部
侍郎上疏陳時政轉召庶子封魏縣子時突厥
入朝有司移文東宮召太子神慶曰古者召太
子用玉契此誠慎重防萌之意今太子與陛下
異宮非朝朔望而別喚請降墨敕玉契詔可之
嘗勅張昌宗坐流欽州卒後贈幽州都督
崔琳神慶子明習政事開元中與仲舒同為中
書舍人侍中宋璟親禮之每所訪逮嘗曰古事
問仲舒今事問琳尚何疑累遷太子少保天保
二年卒秘書潘肅法然曰古遺愛也長子儼諫

議大夫琳與弟詹事珪及光祿卿瑤俱列祭戟
世號三戟

張文瓘字雉圭貞觀初第明經補并州叅軍時
李勣為長史歎曰今之管蕭也因極推引後與
勣同為相高宗營宮殿養廐馬帑廕浸虛文瓘
諫曰王者養民逸則富以康勞則怨以叛秦皇
漢武可鑒也臣願撫之無使勞而生怨帝從之
賜錦百段改黃門侍郎又改大理卿不旬日斷
疑獄四百抵罪者無怨言嘗有疾獄囚相與齎
禱願亟視事及遷侍中囚皆涕泣性嚴正諸司

奏議悉心糾駁帝委重之見他相奏事必問與
文瓘議否若已議悉報可之新羅叛議將出師
文瓘力疾奏請息兵以懷異俗帝為罷兵及卒
贈幽州都督謚曰懿子四潛沛俱為刺州洽衛
尉卿涉殿中監父子皆至三品時謂萬石張家
張文琮好作書筆不停手尤長於詩貞觀中為
治書侍御史永徽初獻文皇帝頌優制褒美拜
戶部侍郎出建州刺史州尚淫祠不立社文琮
下教曰春秋二社本于農今此州不立比歲田
畝不登或未之思乎神在于敬可以致福乃建

祀塲民悅從之卒于官

張錫文琮子初為鳳閣侍郎同平章事代其甥
李嶠為相神龍中遷工部尚書兼脩國史東

都留守帝后臨朝詔同中書門下三品旬日出
為絳州刺史封平原公

崔圓字有裕少孤貧志向超卓開元中詔舉遺

逸以鈐謀對策甲科歷官京兆尹叅軍玄宗西

出次扶風遷御史中丞劾南節度副使圓乃治

城隍列館宇儲雜具帝次河北圓上疏請幸蜀

帝泣曰世亂識忠臣即拜中書侍郎同平章事

仍兼節度天子至蜀朝廷百司殿宇帷幔皆具
蓋嗟賞之肅宗立為製遺愛碑於蜀以寵之後
為懷州刺史以治行稱徙淮南節度使在鎮六
年吏民懷之卒贈太子太師謚曰昭襄

崔隱甫僖曾孫解褐左玉鈐衛參軍遷殿中侍
御史內供奉浮屠惠範倚太平公主脅人子女
隱甫劾狀反為所擠貶中州司馬玄宗持為各
陽令黎園子弟胡維善笛有寵常負罪匿禁中
帝以他事召隱甫從容求巧之對曰陛下輕臣
而重樂工請解官再拜出帝遽謝與鷓遂殺之

有詔勦死不及矣後為御史大夫威名赫然臺
吏側目帝嘗命檢校外官歲考隱甫一日立辨
人服其敏張說當國隱甫惡之暴其過說賜罷
亦免隱甫官歲餘復任遷刑部尚書河南尹封
清河縣公卒贈都督諡曰忠始帝欲相之命見
牛仙客隱甫終不詣故不得相其涖官所至潔
介自守明吏治時以疆正稱云
崔損性畏慎為相無所發明然不害物天子獨
愛幸之以損為長者

崔群字敦詩未冠舉進士陸贄知貢舉擢甲科

舉賢良方正授校書郎遷補闕翰林學士數陳
讜言嘗議立禮王嫡儲及奏却魏博無名之獻
帝皆從之元和間為相請釋李師古没入妻子
并逐其奴婢貲產又贊帝釋鹽鐵官權長孺罪
以慰母請時詔學士集前世事為辯謗略群對
以無情曲直之辯不必過審若陛下擇賢而任
待之以誠糾之以法則人自歸正而不收欺帝
聽其言虜州進羨錢七百萬群奏請還賜其州
以紓下戶之稅皇甫縛以言利得幸欲求人相
群數言其邪佞且推其極以開元天寶治亂為

用人得失所致勸帝以開元為法天寶為戒曰
世謂祿山反時為治亂之分不知罷九齡相林
甫時治亂固已分矣左右為感動後因上帝號
鑄欲用孝德群以有睿聖則孝德并見帝不樂
鑄鑿之罷為湖南觀察使穆宗立以吏部侍郎
召之勞之曰我為太子卿力也謝曰此先帝意
臣何力焉俄遷御史大夫未幾檢校兵部尚書
進吏部尚書卒贈司空

崔暉字廣畧姿儀秀偉人望而慕之中進士補
集賢校書累遷吏部員外郎每擬吏親挾格褒

黜必當寒遠無留材三遷諫議大夫穆宗立荒
戲不朝邸奏曰十一聖之功德四海之大兆民
之衆治亂係于陛下願親政以幸天下帝勔容
慰謝遷事中敬宗立拜侍講邸謝曰陛下使臣
侍講歷半歲不一問經義乞辭講職帝慚曰少
間當請益也因賜錦幣遷礼部侍郎出為魏州
觀察使時方削吏俸以助輸餉即以府常費代
之又詔輸粟太倉歲萬民困之邸旁河為大厰
竇而任諸艘民忘輸運之勞改岳鄂觀察悉平
江湖盜賊又觀察浙西遷檢校禮部尚書卒贈

吏部尚書謚曰德。歸居家怡然而于第自化。室
屋卑痺無步廡。初治貌以寬。及涖鄂則尚嚴峻。
或問之曰：陝土瘠而民勞，吾撫之猶恐其獲，即
土沃民剽，雜以夷俗，非用威莫能治。政貴知變，
故也。聞者服焉。五子璿、瑰、瑾、珮、璆俱至。達官

崔鄴，鄴之弟，及進士第，補

南眉

尉，累除刑部郎中

出副四川節度，入為工部侍郎，集賢殿學士。文
宗末，同中書門下平章事。改中書侍郎。宣宗初，
以檢校尚書右僕射同平章事，節度淮南，卒于

官

宋張美字玄珪初為周世宗樞密承旨因征淮
南留美為大內都部署美行視宮城多設防備
受三司使每條奏釐革多見采納太祖征李筠
大軍十萬出太行經費無缺皆美積粟懷資之
力後移鎮滄州改左衛上將軍卒謚恭惠

元程思溫至元初歷官三品凡十三除而七居
通政多所獻納末年授臨江路總管所至多有

政績

見虞集
神道碑

國朝劉昱字景陽初任吏科給事陞通政歷河南布
政司參政改交趾參政勇於有為所至吏民畏

憚征交趾與尚書劉儁贊黔國公沐晟軍務被
圍與儁俱死之後儁贈少傅謚愍節公獨不及
議者惜之

王士嘉字道亨洪武中太學生任山陰知縣著多

異政歷工部員外郎中宣德初以才識老成薦

擢陝西布政司叅政清譽大振正統初召為禮

部右侍郎勤於稽古禮文之事兩知貢舉皆以

公道著聞後以年老致仕卒年八十餘為人端

重詳雅作事不苟踐履篤實為士大夫推重焉

吳中字忠正洪武戊寅由太學生任營州後屯

衛經歷

太宗舉義時見公委以軍需後以功陞大理寺丞尋授少卿再擢右都御史歷刑部尚書持法寬平獄無冤繫轉工部尚書兼詹事進太子少保加少保時營建三陵及京師宮殿皆公董役先事畜材以應時需歷事三朝多效勞貫卒加少師封荏平伯謚榮來子賢世襲錦衣百戶梁端字荏夫少穎悟過人博通經史聲振齊右弱冠魁宣德壬子鄉薦歷深澤內黃訓導講明經義規條嚴肅生徒貧不能婚喪者捐俸資以

給之權商水教諭凡三典文衡陞國子助教上
疏請加孔子號天縱二字為臺閣所嫉事竟寢
以子謹貴封員外郎為人性淡寡言笑讀書觀
理垂老不倦雖婦人稚子皆稱為梁五經云
周洪字寬夫登成化乙未進士初尹項城奏毀
貴戚在舍蝗不為災擢監察御史屢陳時政頗
見采納時山西大飢逮入粟議活民數萬以言
事摘永寧宣撫司經歷改光山令多著惠政光
人為立生祠擢四川僉憲復全活千餘人蜀民
至今德之後以勁直忤權貴遂致仕

高弼字良佐生而英異年二十始受學三十領
鄉薦明年第進士授戶部主事陞員外郎中在
職練達廉慎同列雅重之成化間征北虜以納
餉功

賜彩幣轉陝西叅議分守隴右道以處置邊糧兼獲
北虜數多蒙

憲廟慰獎賜一品金織衣彩幣等物因忤中貴不獲
超擢復因撫臣論薦命築邊墻地方至今賴之
擢本司叅政嘗全活官攢百餘命及伸理掘地
得金者之寃陝人德之后以疾致仕弼立身行

已俱有成矩以成榜進士人稱其無愧羅一奉
韓洪洞云

王道字純甫少穎悟不凡十八領鄉薦登正德
辛未進士初選翰林庶吉士以就養祖母及繼
母力辭前職改應天教授擢吏部主事歷員外
郎中選法公平門無私謁以輔臣薦陞左春坊
諭德未幾以疾告歸家居十餘年杜門講學足
跡不涉公府性恬淡夷曠慕邵雍司馬光為人
而薦志力行實允蹈之嘉靖癸巳遷南監祭酒
科條嚴肅而經義德行各有章程士類翕然宗

之旋復以疾告後因臺臣論薦起太常卿歷比
京祭酒禮部吏部侍郎卒於官

詔賜塋祭所著有大學億老子億諸書行於世

劉希稷字農卿少聰慧一日成誦弱冠遂博通
五經百氏善屬文正德癸酉魁鄉試辛巳登進
士性情淡不近聲色拜官戶部主事忠清端恪
為同列所服嘗給大同軍餉所有羨餘數百盡
歸於部一毫不私丁外艱歸哀毀踰禮卒家無
餘具諸宗黨為治棺衾巡按方公張公為理塋

事焉

按地靈人傑古有是言而君子哉子臧實以魯
多君子爲之先也武城雖小英賢踵出相踵後
先豈聞絃歌之風而獨盛者歟

武功

①周崔考穆魏司空林之九世孫幼明悟神采卓

然尚書李神雋見而歎曰王佐才也永安末遷
大司馬從事中郎孝武西遷彥穆時不得從大
統中乃與兄彥珍舉義攻拔滎陽擒東魏太守
蘇淑仍與鄉郡王元法威攻潁川斬其刺史李
景道即拜滎陽郡守賜爵千乘侯周文時引入

幕府兼掌文翰于謹伐江陵彥穆以本官從平之周明帝初進驃騎大將軍安州刺史總管十三州軍事入為御史大夫陳氏請敦隣好詔彥穆使焉穆風韻閑曠器度方雅甚為江表所稱宣帝崩隋文輔政三方起兵以彥穆為行軍總管出討司馬難消罕次荊州獨孤永業有異志遂收而戮之事平徵上將軍進東邵公卒于君綽仕至相府賓曹叅軍君肅至潁川太守

隋張彥字文懿好讀兵書長於騎射尤便刀楯以勇決知名初仕周起家州主簿及隋文帝作

相授相府大都督領鄉兵賀若弼鎮江都特敕
齋從平陳之役多有力焉進開府儀同三司封
文安縣子率水軍破逆賊李子游於江口薛子
達於和州拜大將軍文帝命升御座以宴之賜
綺羅千疋從楊素征江表破高知慧於會稽吳
世準於臨海進位上將軍歷撫濟二州刺史仁
壽中卒於潭州總管謚曰莊

①唐崔義玄性剛果有大節隋大業亂往見李密
密不用河內賊黃君漢為密守相義玄見郤鼠
渡河稍刃有華文曰此王敦亡兆也因說君漢

以城降唐乃拜君漢行軍總管義玄為司馬王世充將高毗寇河內義玄擊走之多下屯堡君漢分以所掠財寶俱不受以功封清河郡公太宗討世充多用其計東郡平轉隍州都督長史貞觀中歷左司郎中兼韓王府長史永徽中遷婺州刺史時睦州女子陳碩貞反義玄發兵拒之其徒俱言碩貞有神靈祀其兵輒滅宗衆惧不敢用力義玄斥之乃以叅軍崔玄籍為先鋒而自統衆奮擊之左右有以看擁之者義玄曰刺史而有避耶誰肯致死敕去之由是衆咸為

用斬首數百級降其衆萬餘賊平拜御史大夫
終瀋州刺史增都督謚曰真子神基襲爵官至
大理卿同鳳閣鸞臺平章事次神慶俱躋顯仕
按詩稱公侯干城漢制遭遇右武則哉定禍亂
以平邦國誠保安思泰者之所不廢也武城得
三人焉其皆有翊我社稷也歟哉

孝友

○魏崔浩性至孝父宏疾篤乃截爪剪髮夜則禱
斗極於中庭為父請命求以身代叩頭流血歲
餘不怠家人罕有知者及父沒居喪盡禮時人

敬服之

宋崔懷順父邪利為魯郡太守陷於虜庭懷順
聞之布衣蔬食如居喪禮泰始初淮北陷順因
北至桑乾邪利時已死懷順號哭絕而復起載
喪還家徒跣歷冰雪中而手足不傷時人以為
孝感

崔慰祖性至孝父卒居喪不食鹽母曰汝既無
兄弟又未有子胤毀不滅性只可不進穀羞耳
如何絕鹽吾今亦不食矣慰祖不得已從之初
父為梁州刺史家財數萬盡散給於宗族焉

○魏房景伯字良暉少喪父以孝聞家貧傭書自給事母甚謹初為清河太守有惠政及後為司空以母疾棄官母亡居喪盡禮不進葢菜因成水病卒景伯性純和涉經史諸弟宗之如事嚴親及弟亡蔬食終喪期年不肉御憂毀之容有如居重其次弟景先亡幼弟景逸哭臨之謹亦如景伯時鄉人稱之曰有義有禮房家兄弟廷尉崔光韶嘗云房景伯有士大夫之行子文烈位至司徒長史

○隋房彦謙年十五出繼叔父房子貞事所繼不

殊本生丁繼母憂哀毀過禮勺飲不入口者五日伯父豹事之亦甚謹每四時珍物不敢先嘗遇期功之戚必蔬食終禮宗族取則焉

○唐崔邠字處仁父倭三世同爨邠性溫裕孝友第進士官至太常卿故事太常始視寧大閱四部都人縱觀邠自第去帽親導母與公卿見者皆避都人榮之以母憂解官哀毀成疾卒于喪贈吏部尚書謚文簡第五人鄆鄆邠鄆鄆四世同居友愛備至宣宗以其一門孝友題其所居曰德星堂後人以其里為德星社云

崔彥昭辟從子為河陽節度使徙河東撫循有
法遷中書門下平章事性最孝每退朝侍母膳
恂恂然與家人齒柔色順旨務得其歡心時人
服之子殷誥潞州刺史

宋田祚一門孝友十世同居禮義之風播於遐
邇太平興國二年詔旌其門閭復其家

國朝高謙字元讓事父母定省以禮甘旨以時年九
十而卒孝名遠聞於世

王奉性至孝父卒奉哀毀踰禮就墓所築室哀
慕遠夷子三年親負上築墳時人稱之

詔旌其門

高嘉元字士魁少喪母事父至克盡于道正德
間劉賊陷城入其家時父有疾嘉元左右扶持
執刃其父元多方羽翼曰寧殺我母赫我病父
也賊怒三斫其臂血湧出猶覆蔽不已賊義之
遂舍去及父卒居喪殯塋皆如禮事繼母張氏
有踰所生飲食衣服恒親身供奉有疾藥先嘗
而後進居常見其影起而避之不敢踐也或中
夜聞聲必褊衣慰問再四乃已如此者幾三十
年邑人稱之歷仕鞏昌瑞州府別駕所至以廉

介稱焉

劉希周字文卿，昱玄孫也。年三歲喪父，事嫡母。馮氏極其恭謹，馮沒，哀毀至成，腹疾，主母白氏庶母李氏朝夕承事，咸得其歡心。雖家貧，極力營辦，至楚捷而敬，不懈。嘗曰：吾母貞苦如是，少逆其意，寧能立天地間乎？嘗以白氏貞節告撫按，屢蒙禮獎，惜。

旌典未下，而膏志以沒。希周，邑庠生，博通書史，善書畫，尤敦行檢，而未享科名。鄉族咸歎之。惜

按五常百行，咸本於孝。移此以事君，忠特其用。

目邑之人物既已備錄間有孝友出倫者復甄
列于此庶德色呬語斗粟尺布之俗或者有所
感而化乎

貞烈 前代無考

國朝 馬氏邑人爵次女也生而聰慧美姿儀既笄工

組紵諳中饋事父母愉愉如也年十五招贅婿

劉遜未即婚遜貌短陋又喜輸擲爵逐之客死

于外女誓不改節父母姻戚誘化百端竟不能

奪深居靜處箬珥不飾如此者六七年景來

間知縣姜良嘗瑣其事奏聞時邊檄急事寢成

化間知縣姚嘗親詣其門餽米肉以存卹之卒年八十三英風烈氣至今耿耿云

劉氏邑人劉俊仲女參政昱之孫女也溫恭貞靜年十九適梁助教之四子謙克恭婦道成化壬午冠舉山東癸未會試以文場災卒劉聞訃痛悼屢絕而甦及遺襯歸劉躬治葬事畢專屋

自守華謝薰飾歷四十年貞志彌篤從子忭具奏于朝詔表其門曰貞節歲乙亥終于正寢

劉氏臨晉令紹宗女適曲阜王師聖師聖卒劉年二十九誓不他適王氏家日落昆弟不能容

欲奪其志仲兄璧迎歸于家既歸後獨處一室
瓮素自守歷三十年而節愈厲正德戊寅疾篤
泣謂兄姊輩曰吾不幸早寡今得完節以沒倘
得歸葬吾骨於曲阜以見亡夫於地下吾目瞑
矣遂卒兄姊哀憐之乃歸柩於曲阜合葬焉
王氏邑人王鳴鶴女也正德辛未劉六等作亂
女被驅義不受辱極口罵賊賊怒刃之斷其三
指死次日乃甦有司上其事

詔旌之免其戶役

李氏庠士鄒奇齡妻也辛未夏賊掠武城氏被

驅恐受其污舉身投河賊亂矢射之浮沉再四
流百步許竟得登岸賊異之遂舍去有司上其
詔旌表之復其家

丁氏邑人武淵妻辛未劉賊亂時淵為曲阜掾
被虜丁號泣抱持不肯釋賊以刃斫之瀕死不
去賊異之釋淵有司上其事

詔旌表之復其家

王大兒邑人王昇女辛未賊至武城大兒居適
當賊衝遂冒父衣履走出賊識其女子露刃躡
之大兒度不免且罵且趨遂投井而死已卯春

金憲錢公以王吏部道言深嗟賞之因命有司

建祠祀焉

有順柔王道碑記
錢僉憲詩

白氏邑人蒙城驛丞劉相之側室也年十九生
兒僅三歲而夫亡親族見其年少誘諭欲改醮
之白氏慟哭籲天幾死者三誓不他適安貧守
貞垂四十年嘉靖壬寅有司白其狀

撫按屢行旌獎奏請于

朝而褒詔未行其子希周已死邑人咸痛恨之

按詩於邶風首綠衣於鄘風首柏舟嘉女行也

女行莫大於貞烈女流不諳書史無丈夫任克

完是行者鮮矣武城有九人焉特書之以為風
化勸近鄉村故俗有夫肉未寒即對靈改配真
犬彘之不若也余司風化痛革此風而因襲日
久猶有不以為非者則以餓死為鮮也伊川曰
餓死事極小失節事極大惟同志者共守此訓
以化愚俗庶絃歌之教不至絕響於後云

京口袁魯題梁解元妻劉氏曰節義者天下之

大閑臣之於君平之於父妻之於夫其義一也

使為人臣為人子者皆如劉氏之保終則光明

正大之心可以感天地扶世道尚何亡國敗家
之有

義士

魏房景遠好施與頻歲凶歉輒分所有以贍宗親又於通衢以飼餓者存活甚衆平泉劉郁行遇劫賊欲殺之郁曰房景遠是我姨兄賊曰我食其粥得活何忍殺其親耶家活者二十餘人益州刺史傅曙眼聞其名啓爲昭武府叅軍不慮子敬道仕爲開府叅軍

元王仲字威卿嘗捨家貲建丹陽公祠絃歌書院買田三百畝以供時祀并給生徒廩餼又割田貳百畝以益州學高唐夏津武城三學各贈

腴田百畝其崇重文學輕財好義類如此
國朝閔勝商禮張鐸正統初各出粟千石以賑濟貧
民

朝廷嘉其好義初為義民仍立坊以旌表之
張才興亦於正統初出粟五百石賑濟
朝廷為義之命立碑以錄其美焉

武城縣志卷之上終



本頁與上卷第二十三頁重複惟內容略有出入仍附印卷末藉資參稽

夏誠

正德時任直隸

冀光

正德時任直隸

饒瓌

正德時任直隸揚州人監

胡一德

正德時任四

王虎

正德時任直隸

文昌

正德時任教養

潺

嘉靖時任河南磁州人舉人見名宦志

史筆

嘉靖時任南陽衛

才淑望上下

趙時勉

嘉靖時任直隸歙縣人舉人見名宦志

王時

雍

嘉靖時任山西垣曲人舉人居官三月恩威並著百姓至今思之

吳侍

時任直隸

蘇紳嘉靖十六年任河南考城人舉人庶能仁恕有古循吏之風焉

許遷喬

嘉靖時任河南睢州人舉人識明敏廢墜脩治

任道明

嘉靖

福建上杭人益

洪量

嘉靖時任直隸

嘉靖

六年任福建

謝嘉頭嘉靖十五年六月任河南儀封人舉人與聖王俗

縣丞孫永洪武時任李縉天順時任山西劉智景泰時任

直隸安張宏成化時任四川李宗成化時任貴州李瀾

成化時任河南李成化時任河南史書成化時任山西

人吳偉成化時任直隸王鳳成化時任山西靳璠成化時任

時任直隸楊整成化時任山西丁宣弘治時任河南韓

宗堯正德時任山西馮繡正德時任河南魏經正德時任陝西

鳳陽王恭正德時任陝西高尚志嘉靖時任陝西

楊濟嘉靖時任山西史需嘉靖時任直隸

陳彥芳嘉靖時任直隸夏能嘉靖時任直隸王柟嘉靖時任

時任直隸李章嘉靖二十六年任河南

本頁與上卷第三十五頁重複疑係廢頁
惟內容有所不同仍附印卷末藉供參考

傳曰國之大事在祀故凡禦災捍患有功德於

民者皆不可廢也若忠臣烈女行能出衆足以

式今振後者法得附書

社稷壇城西山川壇城南邑屬壇城東八蜡廟

社稷壇馬神廟邑屬壇東隍廟縣治土地祠縣治

左關侯廟縣治西偏

吳公祠城西舊縣址內有元李士

名宦祠舊在縣治前嘉靖元年都御史陳公因

縣許遷喬改建於

傳曰太上立德其次立功功崇德厚必食其報

武城自洪武以來獨祀一姚顯豈其餘皆無功

德於民哉秉彛好德人心同然若前令鍾永王

潺趙時勉是皆宜民宜人祀典所必載者且泯

焉而未之舉亦獨何哉

鄉賢祠在儒學日新齋之東嘉靖元年改建內祀先賢十三人有都憲陳公贊文附之

漢遼西太守趙苞拒寇害母魏司徒謚文貞崔

浩博極群書廷尉卿崔光韶博學好禮梁國子

博士崔靈恩編習五經唐大理卿孫伏伽有量

仕無愠侍中張文瓘直諫有聞刑部尚書崔隱甫

廉謹自持吏部尚書崔群有裨朝政明交趾參

第八卷文章志

文章藝也何志諸文以載事志文以

藝藝屬

故於據理之正紀事之核不為浮誕

不為虛誕

隱理妙致足以羽翼乎茲志之所未備者斯志

也否則雖工弗志之矣然此一邑之文也於

制命何志焉志其載在茲邑者以執物也

帝王製作文章莫大焉自是而下或為序記或為詩

章皆以表揚先烈而備一邦之文獻者也作文

章志

制命

此紀氏

唐除崔群戶部侍郎制

勅曰地官之職邦教是先必選國華以從人望
具官崔群體道履仁外和內敏清而容物善不
近名從容禮樂之間特達珪璋之表比參密詔
弘益既多及貳儀曹陞擢惟允邁茲令德藹然
休聲選賢與能于今雖重擇才均賦自古尤難
徃慎乃司以服嘉命

宋制丹陽公贊

太祖詔

魏仁

浦贊曰賢哉子游氏之先覺化茂絃

歌科列文學魯道凌替武城齷齪馬用牛刀於

斯爲樂

真宗詔趙安仁贊曰魯道登科覩奧將聖武城
之小可以觀政澹臺之舉行不由徑追建上公
素風愈盛

高宗御制贊曰道義正已文學擅科爲武城宰
聊以絃歌割鷄之施牛刀謂何前言戲爾博約
則多

國朝諭祭追封少師兼工部尚書吳中爲荏平伯
制曰國家於大臣之有勲勞者生榮之以爵位沒
加之以贈謚所以篤君臣之道而隆始終之義

也故榮祿大夫少師兼工部尚書吳中秉忠勤
之志負閭敏之材昔我

皇曾祖奉天靖難之際

皇祖居守北京中於守城多效勞勤後累進集司游
領冬官咸殫心於職任蓋四十年效績孔多迨
朕嗣統亦切倚毗報國之心老而不懈方寵以
師臣奄焉淪謝是用悼嗟茲特追封荏平伯謚
榮褒於戲臣之事君生克見於勞績上之待下
歿當錫之褒榮朕於卿可為至矣靈爽如存服
斯休命

諭祭禮部右侍郎王士嘉辭

制曰爾發身胄監受職掌民既歷卽署於冬官遂
忝藩政於陝右克勤夙夜累著賢名比進貳於
春卿益茂彰於偉績頃因請老榮歸於鄉方乃
齊於耄期忽遽聞於殞謝老成再念嗟悼何忘
特用推恩命塋塋祭卿靈不昧尚悉

朕懷

除戶部郎中高弼制

制曰戶部掌天下戶口錢谷之政令而生民休戚
係焉故官屬之設特詳於他部必皆得人乃克

有濟爾戶部山西清吏司署郎中事負外郎高
擢發身賢科擢地官屬迨遷今職益著才能宜
錫寵恩以旌勞勩是用進階奉直大夫錫之
誥命以為爾勞爾尚竭乃心勵乃行懋于厥職以
稱任使欽哉

諭祭吏部右侍郎王道辭

判曰惟爾性質篤雅器識閎深登俊甲科儲材翰
苑志安郡博名起天曹膺薦陟於宮坊繼掄遷
於國學桓疾辭而恬澹自若父家食而安貞不
渝遺佚搜揚迺簡專手常伯浚明甄擢即超

於版卿晉貳秩宗再主賢閔之範望偕邦治持
叅銓部之衡倏爾淪亡良深悼惜特茲遣祭庸
示國恩載命有司為塋壘域爾靈不昧尚克歆
承

按武城今昔顯貴盈溢史策其得制命多矣今
不能詳錄特述其可見者如此少以示瑣護之
意云

文類

與黃門侍郎張衡書

隋房彥謙

竊聞賞者所以勸善刑者所以懲惡故疏賤之

人雖善必賞尊貴之戚犯惡必刑未有罰則避
貴賞則遺賤者也今國家祇承靈命作人父母
刑賞曲直升聞於天寅畏照臨亦宜謹肅故文
王云我其夙夜畏天之威以此而論雖州國有
殊高下懸邈憂人慎法其理一也至如并州繫
逆須有甄明若楊諒實以詔命不通慮宗社危
逼徵兵聚衆非為干紀則當原其本情議其刑
罰上副聖主友于之意下曉愚人疑惑之心若
審知內外無虞嗣后纂統而好亂樂禍妄有覲
覲則管蔡之誅當在於諒同惡相濟無所逃罪

梟懸奪戮國有常刑遂使籍沒流移恐為冤濫
恢天之網豈其然乎罪疑從輕斯義友在昔叔
向置鬻獄之死晉國所嘉釋之斷犯蹕之刑漢
文釋善羊古寧不愛弟廷尉非苟遠君俱以執
法無私不容輕重旦聖人大寶是曰神器苟非
天命不可妄得開闢以降書契云及帝皇之跡
可得而詳自非積德累仁豐功厚利孰能道洽
幽顯義感靈祗是以古之哲王味爽丕顯履冰
在念御朽競懷叔世驕荒曾無戒懼肆於人上
騁嗜奔欲不可具載請畧陳之昔者齊陳二國

並居大位自謂與天地合德日月齊明罔念憂
虞不恤刑政近臣懷寵稱善而隱惡史官曲筆
錄美而掩瑕是以入庶吁嗟終閉塞於視聽公
卿虛譽又敷陳於左右法網嚴密刑辟日多賦
役繁興老幼疾苦昔鄭有子產齊有晏嬰楚有
叔敖晉有士會凡此小國尚足名臣齊矜之強
豈無良佐但以執政壅蔽懷私徇軀忘國憂家
外同內忌設有正直之士才堪幹時於已非宜
即加擯棄倘遇諂佞之輩行多穢惡於我有益
遽蒙薦舉以此求賢何從而至齊陳不仕骨鯁

信任諂諛天高聽卑監其濫僻故總收神器歸
我大隋向使二國祇敬上玄惠恤鰥寡委任方
直斥遠浮華卑非為心惻隱是務河朔強富江
湖險隔各保其業人不思亂泰山之固弗可動
也然而寢卧積薪宴安鴆毒遂使禾黍生廟霧
露沾衣弔影撫心何嗟及矣故詩云殷之未喪
師克配上帝儀監于殷峻命不易萬事之機何
者不須熟慮哉伏惟皇帝望雲就日仁孝夙彰
錫社分珪大成規矩弃州之亂變起倉卒職由
揚諒詭惑誑誤吏人非有構怨本朝棄德從賊

者也而有司將帥稱其頭及非止誣陷良善亦
恐大玷皇猷足下宿當重寄早預心膂與自藩
邸柱石見知方當書名竹帛傳芳萬古稷契伊
呂彼獨何人既屬明時須有蹇諤立當世之大
誠作將來之憲範豈容曲順人主以愛虧刑又
使脅從之徒橫貽罪譴忝蒙眷遇輒寫微誠野
入愚瞽不知諱忘

善耳泉贈言卷後

順渠王道

吏部左
侍郎

賓賜與予同遊耳泉先生之門先生之所以期
賓賜與賓賜之所得于先生者聚在此卷賓賜

之學可知矣南行出以相示且屬綴以一言予
學情於得而塗轍之眩也其何敢滕口無已則
申之而已矣大學而斷斷云者以無所折其中
也楊雄氏曰衆言淆亂折諸聖信斯言也亘莫
如孔子孔子之言仁也自視聽言動達於出門
使民居處應接之類取體天而已未嘗外身以
守心也然而隱蹟一矣孔子之言智也自學問
思辨達於詩書執禮前言往行之類取知天而
已未嘗扞事以求悟也然而內外一矣孔子之
言道也自達道達德達於三千三百之類取

合天而已未嘗棄萬以趨一也然而一以貫之
矣後之學者不然指方寸以為本心而不知心
體之與天同其大也指經訓以為陳言而不知
聖人先得我心之所同然也厭煩徑約指萬事
以為粗跡而不知道之殊塗而同歸也其諸異
乎孔子之學矣其亦弗思甚矣然而高才明智
者見聞膠膠束書不觀者遊談搖搖靡然師之
又從而為之辭其益弗思甚矣無惑乎學之私
且異而斷斷如也韓愈曰不塞不流不止不行
今欲效彼而閑此則莫急於明吾孔子之學焉

爾矣孔子之學明則世儒之學息世儒之學息則道德可一道德可一則風俗可同風俗可同則王化可興是故君子莫大乎及經

禘祫考

前人

夫禘祫者天子諸侯宗廟之大祭也周衰禮廢其詳不可得聞而義意之見於傳記者諸儒又從而汨之是以其說不得大明於世夫先王制禮建宗廟而事之以禘祫後世禘祫之義不明而宗廟之制因以不定宗廟之制不定則禘祫之行乎其間者紊亂煩復名實乖刺非復先王

而意報本追遠之義亡矣甚可惜也思嘗考之
諸儒之論聚訟紛紜雖若不一而其大端有二
鄭康成混禘禘為一而惟求之於五年再殷祭
之中故謂禘大禘小二祭相因並為盛祭凡說
之近乎此者皆主康成者也趙伯循判禘禘為
二以祭其祖之所自出而以其祖配之不及群
廟之主者為禘以大合祭如公羊傳所云者為
禘而謂天子有禘有禘諸侯有禘無禘凡說之
近于此者皆主伯循者也康成之說支離纏繞
誠非禮意揚信齋諸人攻之掇擊抉摘無餘蘊

矣然詳考大傳之女參之儀禮喪服子夏傳而
斷以程子之說則伯循所見亦非先王制作之
本意所謂齊則失矣而楚亦未為得也按大傳
曰禮不王不禘王者禘其祖之所自出以其祖
配之諸侯及其太祖大夫士有大事省于其君
禘祫及其高祖子夏傳曰都邑之士則知尊禘
矣大夫及學士則知尊祖矣諸侯及其太祖天
子及其祖之所自出此二條者更互發明是禘
祫之義見於傳記可得而推尋者也所謂王者
禘其祖之所自出以其祖配之云者即天子及

其祖之所自出也及云者自此而盡乎彼也蓋
謂主者推其太祖所自出之帝於太祖之廟正
東向之位而太祖暫就昭穆之列揔率有廟無
廟之主以共享於其前故曰配之而謂之禘禘
者禘也以審諦昭穆為義也以審諦昭穆為義
則合食在其中矣其曰諸侯及其太祖云者謂
諸侯殺於天子無所自出之帝惟大合有廟無
廟之主於太祖之廟而祭之公羊氏所謂毀廟
之主陳於太祖未毀廟之主皆升合食於太祖
是也是之謂禘禘者合也正以合食為義也天

子言禘其祖之所自出而諸侯不言禘及其太祖者通下干禘之文而互見之也干禘云者謂大夫士則又殺於諸侯無太祖亦不得禘惟嘗有功德見知於其君許之乃得合祭及其高祖而已故謂之干禘干者逆上之名以其上干諸侯之禘也由此言之合祭祖宗一也天子盡其祖之所自出而止則為禘諸侯盡其太祖而上則為禘天無二日民無二王天子之禮不可干也故曰不王不禘諸侯雖尊亦人臣爾其禮可通於下也故大夫士有可以于其禘者蓋以位

有尊卑故祭有遠近而名有異同程子以一言
蔽之曰天子曰禘諸侯曰祫其禮皆合祭也可
謂至明白矣趙伯循單據王者禘其祖之所自
出以其祖配之一語立說而不察其通章對舉
禘祫之意蓋考之有未精也且禘之為禘本以
審諦昭穆得名而爾雅又曰禘大祭也若惟以
始祖配所自出而不兼群廟之主則既無昭穆
可言而寂寥短簡亦已甚矣尚何足以為大哉
傳說曰禮煩則亂事神則難今既不以合食言
禘則不得不取諸侯之祫以補天子之禮而祫

又有大禘時禘此外又有特祭則是天子宗廟
之中有禘有禘有時禘有時祭一歲之間僕僕
焉幾無虛日糜費貨財妨奪政事固不待言而
先王神明祖考之道恐亦不如是之煩且黷也
其不然可知矣或曰天子曰禘諸侯曰禘魯諸
侯也春秋有禘有禘何也曰春秋未嘗言禘言
禘者公穀諸儒之失也禮不王不禘魯以成王
之賜得用天子禮樂故以禘代禘然非禮矣故
曰魯之郊禘非禮也周公其衰矣魯既以禘代
禘遂爲常祀春秋不能悉書則書其失禮之中

又失禮者以詳事變而僭竊之罪亦因以著然
有書禘者有書大事有事者有書從祀者先儒
謂義在用禘則書禘義不在禘則書事是也左
氏去春秋之世未遠而又詳見魯史故於有事
武宮及從祀先公之傳皆以禘言其必有所據
矣公谷惟以諸侯待魯而不寔其當時僭竊變
亂之詳故以禘為禘以大事為大禘有事為時
禘然不知魯實無禘也漢儒因之而禘禘之混
自此始矣故曰春秋未嘗言禘言禘者公谷諸
儒之失也

天道說

前入

或問道曰一陰一陽之謂道曰一陰一陽之謂道也理氣之別何居曰矣別之有哉盈天地間本一氣而已矣更無餘物方其混沌而未判也名之曰太極太初太乙太始皆是一義又曰太和太虛太極者以

其究竟至極而言也太和者以其細溫野馬而言也太虛者以其清通無礙而言也其實一也迨夫醞釀既久升降始分動而敷施發用者則謂之陽靜而收斂歸藏者則謂之陰陰陽既立對待者摩流行者盪有交易變易之義焉則謂

之易因易之往來迭運而不窮也則謂之道因
道之脈絡分明而不紊也則謂之理之數者名
雖不同本一氣而已矣初無彼此先後之殊亦
無有無賓主之辨奚別之有哉曰旣曰一陰一
陽之謂道又曰形而上者之謂道形而下者謂
之器其不同若是何也曰奚不同之有哉一陰
一陽之謂道即形而上者謂之道也何也陰陽
一而已矣自夫有形以下截而言之而有上下
之別形而上者所以造器而藏其用故謂之道
道者流行不息之義也形而下者所以呈道而

為之體故謂之器器者各適其用之名也大而論之則天地絪縕而萬物化醇絪縕者為道一陰陽之謂道縱之者善是也化醇者為器成之者性與夫各正性命保合太和乃利貞者皆是也絪而觀之則盈宇宙間紛紜萬有莫非陰陽之所為見而可見則謂之象形而有形則謂之器而形象以上視之而不見聽之而不聞而又體物而不可遺者則咸謂之道矣故曰陰陽不測之謂神語形而上者也張子曰氣有陰陽推行有漸為化合一不測為神而易曰窮神知化

德之盛也夫神化一陰陽也陰陽之形而上者
也仁者見之謂之仁知者見之謂之知百姓日
用而不知窮神知化惟聖人為能故曰德之盛
也此伏羲之所以畫卦也斯理也聖人於易備言
之矣曰然則理氣不雜不離之說非與曰非也
黑白相入曰雜彼已相判曰離二也名氣之脉
絡分明而不紊者曰理其為物不二也雜與離
不可得而言矣雜與離且不可得而言尚何不
離不雜之有若移以語道器庶為近之而程子
又曰道亦器器亦道則在學者默識之而已

送崔群序

唐柳宗元

貞松產於岩嶺高直聳秀條暢碩茂粹然立於
千仞之表和氣之發也稟和氣之至者必合以
正性於是其有貞心勁質用固其本禦攘冰霜以
貫歲寒故君子儀之清河崔敦詩有柔儒溫文
之道以和其氣近仁復禮物義歸厚其有稟者
歟有雅厚質方之誠以正其性懇論忠告交道
甚直其有合者歟是故日章之聲振于京師嘗
與隴西李杓直南陽韓安平洎余為交杓直敦
柔深明冲曠坦夷慕崔君之和安平厲莊端毅

高朗振邁悅崔君之正余以剛柔不常造次爽
宜求正於韓襲和於李執崔君而考其中焉忘
言相親默與道合今將寧覲東周振策于邁且
餞於野或命為之序余於崔君有通家之舊外
戚之親然吾不以是合之崔君以文學登于儀
曹揚于王庭甲俊造之選首讎校之任然吾不
以是視之於其序也故載之其末云

送禮部侍郎王公致事還武城詩序

安成劉球
翰林侍講

七十而致事禮也亦有不得謝者何耶有義存
焉禮亦不可得而拘矣禮所以守乎道之常可

去而不去非禮也義所以適乎事之變不可去
而去非義也故召公欲老因周公之喻而遂留
石碯謀國必待桓公之位既定而後老古之君
子所以不敢辭勞貪逸於國有事之時而常謝
榮樂退于世既平之後者何也審于去就之節
適乎遲速之宜以求合乎禮與義也往歲禮部
侍郎武城王公以年滿七十請老不得而遂留
焉迄今三載然後果于去而不畱其去就遲速
豈不有合于古賢之道哉方其初請之時
上嗣大寶之日尚淺而西陸之干戈未息北虜之氣

燄方炎疫困之民猶未盡蘇中外多故佐大宗
伯以贊大猷商確庶政為

國家乂安計者公之職也雖年已至豈忍遽釋
負寘身田里避勞勩以求安閑哉故不得
命而不敢固請視義之重于禮也今

上春秋日益以富萬幾日益以親西北晏安中外實
為無事百官有司各得其職大臣之所荷負於
是乎少輕矣公知其有可老之期遂決意欲去
雖有厚祿盛位豈足維繫其心少淹其迹哉故
卒得請而行於禮既得而義亦盡焉夫欲老而

復留留而天下之人不謂其固寵既留而復去
去而天下之人不謂其獨潔如公之禮義兼至
球故謂其去就遲速得古之道焉雖然公自蚤
歲從冑監出尹大邑僉憲司事轉冬官正副郎
參藩司政然後陞禮部歷宦四十餘年朝之公
卿大臣非其故寮即其夙契設祖都門外豈無
分棄之惜哉况吾儕以友其子檢討玉故數辱
公愛尤不能無戀戀之懷有是懷而無是詩以
發之將何以達公所哉此贈公之詩所由作也
作者二十一人咸謂球嘗吏于禮部宜為叙故

不慚以蕪謬之詞冠于諸作云

戶部郎中高君良佐總督大同邊儲事

除姚謝
遷狀元

兵之所重者食食不足則兵不振故摠餉之任
與摠戎者等兩漢始造時蕭冠調軍食而論功
不在曹韓耿鄧之下者以此也

國家屯重兵于西北轉輸餽嘗以部使者摠之而
每慎其選武城高君良佐以戶部郎中奉

勅總大同軍餉蓋妙選也君將行其僚友請余言以

贈之君居戶曹有年矣邊餉大計經畫區處之

宜所以諏咨而籌度于胷中者既已有素余言

何足以為君裨益雖然亦嘗有聞矣夫千里餽糧士有飢色言備之不可不預也而縷絲粒粟莫非民之膏血則得之也甚難是故知軍食之重則預備之利固不可以不講知民賦之難則妄費之害又不可以不恤剝下以充上使其上知所用而不知所恤此桑弘羊之禍漢不能逃萬世之責也方漢武銳志之初苟使預知其艱而重之則輪臺之詔豈待海內虛耗而後可哉今世際隆平邊備之預誠足以威服荒遠然而所以念其艱恤其害者固不可一日而忘也况

夫所謂屢豐之徵又未可得哉高君於是可不
深察之哉志士之立身惟其責而不苟畧其功
忠臣之為國恤其害而不苟與其利諸察友之
所以待君者不淺也余故申以告之若夫經畫
區處之宜則固無俟余言也

贈監察御史周寬夫序

洛陽劉健

大

寬夫山東武城人以成化乙未進士知河南之
項城滿三年有聲績入為山西道監察御史又
滿二年矣嘗奉

命巡河東陝西鹽法按山西小心慎密事無精粗悉能裁之以法故所至有善譽茲吏部以其績奏得進階文林郎且馳

恩於其父母妻皆如例同列者榮之謀所以為贈寬夫顧士大夫中知已莫若余願得余一言余天順末丁憂居洛始識寬夫時寬夫為諸生以妻翁知河南之邠縣往依之因過洛拜余請教留洛凡數月一時洛下諸生從余者甚衆皆重其為人至不忍其去余起復未京後數年寬夫乃領鄉薦未幾遂第進士焉其性知項城也嘗

告余曰生素慈善雖鞭撻人且不忍况置人於死乎每憶在如縣時妻翁訊劫盜欲立置之死地生聞之輒戰慄終夕不成眠今往項城恐不能舉厥職余應之曰事值可怒則慈善自有所不行子之昔年蓋未身當其事耳然此心則甚善執此以往豈惟能舉厥職前程固將遠大矣既而寬夫治項城果以威惠著聲其入為御史駸駸大用而有今日之

寵榮夫豈偶然哉昔子張子路問政孔子俱以無倦告之無倦云者始終如一之謂夫凡人持守於

始易持守於終而如始雖寬夫自為諸生至于
今二十餘年慈善之心慎密之行施之行已居
官已籍籍可稱則余今日之所告亦惟無倦而
已誠自此而益堅乃心固乃操始終無所倦則
他日之所就將有大焉者豈但如今日之為縣
令為御史而已哉寬夫勉之於是乎言

送在見洲君尹武城序

晉江林一新

戶部主事

曩歲在丁戌災沴流行東郡阻饑惟是方岳牧
伯檄廉能吏分地董賑吾溫陵愧虛易公以夏
津尹賑武城武城之民越月而起罷呻吟之聲

相與上公施惠狀于方岳又三年秩公殷祀以
終報公余與在見洲君計偕比來過武城與聞
是事竊歎吾愧虛公之澤弘瀚汪濊旁及殊邑
而又歎斯民之心其感易興其被易入也古之
稱良民可化導者則謂齊魯之民齊魯之民宜
莫良於武城昔時遺音泯泯禮樂未衰茲乃比
介上國涵化洋溢大義素明用能上下相繫惻
怛無悖心愧虛之澤孰恒於其邑之令然有句
日之變而能不易於終身信乎尹斯邑者之易
為仁而不可少有不仁以改斯民之良心也見

洲君始以余言為然乃今有武城之寄其必有
以紹吾愧虛者君嘗師承乎愧虛之門如家人
父子永言作求覩公之餘民如子戚然將與况
親以其身為之父母哉夫儒者之道其樞機動
天地變化通陰陽故生於其心發於其政順時
求端熙熙然協于上下以滋天休祥是以災沴
不行凶札不生環封之內食息各足無庸乎賑
救急迫之功古之人恒病是道之不明相踵為
旬時之政故捐溝轉壑化離嘒嘆者不勝圖列
而數計也父母之寄將焉謂之今君之為父母

也必且豫釀冲和首實元氣循循歲月圖振古
之猷不屑為一時之施程叔子言安定門人知
稽古愛民則於為政何有余謂君之深潛篤允
茂本而惠中能不愧於稽古之君子竊效程子
之意而深幸君之善繼愧虛也他日有過絃歌
之臺領于游清聲忘其為今古者其謂見洲君
之禮樂也夫

贈大學生初海山東山昆玉友愛序

晉江陳露
國子學正

余始教武城見邑之民人分門割戶異巢別窠
父子兄弟骨肉之間甚於秦越雖巨族亦然未

嘗不為於邑也夫愛敬之心民秉之彝孩提猶
或知之何斯人之涼涼若是哉居二年始得習
聞海山初君儒卿與其弟東山晉卿自離襟裾
以來同室而居並業而食易衣而衣肅雍和諧
不啻若壘篔之迭奏也而其恭讓之容媻睦之
勤盎然洋溢於閨門之中雖妯娌之間下至臧
獲之賤亦知化之因喜而歎曰豪傑之士無待
而興初君於世衰俗薄之後迺能篤天顯之懿
念鞠子之衰可謂不遷於習矣所謂豪傑者非
耶余忝風教之末思有以振焉而未能也迺以

白之邑使充君見洲見洲歎曰砥世章善責在
有司可視為細務哉迺大書其間率厥僚案登
其門而禮之於是邑之人士知初君之賢為不
朽矣庠士馮生衣錦趙生田感茲盛舉欣然思
振且將以振邑民也楫余而言曰昔子游以行
不由徑取澹臺而夫子與之為能即小以知大
也見洲君以孝友之實禮海山兄弟取其大者
而其餘兼舉矣是不可為贈乎淺泉子曰吾之
責也立教興行於是乎在其何說之辭余嘗承
縣乘之託竊稽之舊志矣其所載風俗有曰人

士有正大之行風俗有孝友之稱是邑之重孝
友則然今時之獨戾者教之無方勸之無道故
也昔魏房景伯能友其弟而景遠宗之如嚴
親鄉人美之曰有義有禮房家兄弟唐崔邠與
弟邠郵鄭鄴輩四世同居友愛備至宣宗即所
構而額之曰德星堂于時邑人化之風淳而俗
雅此武城之遺軌也自角弓興刺布粟貽譏手
足之情薄連枝之義忘非獨茲邑為然也若初
君者真足以追房氏之踪紹崔家之烈而迴淳
古之風於媮薄之世者矣禮義之稱茲當再振

德星之額可以復題縣乘之所贊揚豈無俟於
他日哉矧有賢宰爲之表揚武城之民庶幾有
興矣余故表而附之以俟後之司縣志者來也
且初氏自先世以來積德累行好賢樂施二君
能嗣其美且外榮利薄功名其子初仕好學織
文慕古秉禮所以激揚風化砥柱頽波者端有
望焉寧非余所示道者哉二生聞余言喜其有
裨於邑之風化也請書之以贈

記

丹陽公祠記

元王鶚 奉士

鳳之所集培嶮為名山麟之所遊蒼莽為瑞野
聖賢之於一鄉一邑嘗所稅駕者其亦麟鳳之
至與武城為邑民不滿千家地不過百里無山
林保障之美金玉珍怪之富然表表焉與名州
鉅邑並稱而不泯者特以我丹陽公子游嘗為
之宰故爾舊縣治有廟居絃歌臺之巔朱衣大
冠像設甚飭素之碑誌以謹其始末或有而廢
於兵燹歲月滋久田夫里嫗無所取證往往舛
為不經之祠有識者率用為慎然未有以厘正
羽士元君志一雅以好事稱一日踵門具以其

事來謁且丐文以鐫石噫此吾儒之任子顧能
辨之區區記述又安敢以淺陋讓謹按公吳人
姓言氏字子游仕爲武城宰武城在今非一世
矣雖陵谷變遷不敢必其孰是要公以文學列
於四科其道如日之在天無所不用其明如水
之在地無所不用其澤以故載在祀典自京府
達於郡邑配先聖者無地無之矧是邑也考其
地則曰武城詢其臺則曰絃歌廟貌之設又誰
曰不可雖然聖賢之道初不繫一廟之顯晦而
廟之顯晦則若有所繫焉宰是邑者不可不察

昔公之爲治也使君子愛道則愛人小人學道則易使今去其世雖千八百歲苟聞遺風餘烈宜尚有興起者柰何廟而詔之儀而示之猶且委之草莽不知昭事則化導之未敷禮義之有間抑可知已元卿學道有見於此故率先興議以正名為事不其偉哉後之人苟能推元卿之心大而新之使一邑之人知所宗嚮歲時蘋藻之奠遊于斯觀于斯道古于斯于以扇絃歌之風布牛刀之化則淵源之治可興於此日莞爾之笑不專於當代其爲發鑰含靈對揚

皇化功美豈淺哉有志者爲之

絃歌書院記

元張起巖 學士

丹陽公祠舊在武城縣西十里故縣中歲久摧壞鄉善士民匠總管王仲嘗過祠下顧瞻弗稱神宇乃擇地縣治巽隅創新祠設像其中即祠所構書院以泰定乙丑春興役迄明年夏告成買田三百畝以供時祀以廩師弟子負翰林學士承旨劉文廢嘗過是邑以絃歌名其書院天曆二年有司請於朝越至順辛未起巖爲禮部尚書閱牘得其詳申言之迺允其請始以濟南

潘通為書院山長仲已歿矣嗣子主簿昂增構
神門講堂別宅居學官屋凡二十楹木石瓦甍
丹漆工食之費為鈔盈八百緡皆出其家貲不
假他姓取又置祭器于祠置經籍于書院凡席
器用用不備具奠獻有常講肄有所郡邑僚屬
以暨多士僉曰宜有記潘山長來請起藁記謹
按太史公記孔子弟子言氏名偃字子游少孔
子四十五歲其仕為武城宰蓋年甚少而能以
禮樂為教而致絃歌之治則古所稱文學其施
之用者如此又以行不由徑非公事不至其室

知澹臺臧明之賢以為有官君子百世取人之法是則學者所當服膺師承而弗替也公自唐開元始封吳侯宋大中祥符進封丹陽公建隆廟贊則左僕射平章事魏仁浦奉勅撰真宗過魯謁林廟則詔參知政事趙安仁為之贊高宗紹興之贊則御製也郡國通祀先聖公在從祀之列而其過化之地祠專祀公宜矣今棟宇荐新又專學官以典其祀而推行其所學其有闕於世教大矣夫以周之季世列國爭雄功利是尚以吳人乃能獨悅周公仲尼之道此學中國

身通受業為孔門高第列於文學之科又為魯
所器重委以民社武城之政載見於經夫子始
聞絃歌莞爾而笑蓋喜之也繼聞學道之對則
呼二三子以是其言蓋又喜其能服所聞而見
諸行事也其有契於聖師之意深矣又能察素
行之微於衆人之中而以之得人可謂識見至
到豈邪媚所可惑耶嘗即論語考公所言明白
疏通知本達道後之學者誦其言思其人猶景
仰嚮慕慨然如將見之矧是邑實公親臨而布
政聖師之所止舍也其景仰嚮慕宜何如哉今

距先師之沒千百餘年前乎此者祠宇僅存凜
然其將壓也今祠宇書院旣落成矣自今已往
即祠宇書院以望先聖賢師弟子講明之言求
其施用之實而則倣之執柯伐柯固不遠矣長
民者其亦追惟先哲之為政不小其邑推行學
道愛人之語以詩書禮樂薰陶其民俾絃歌之
聲復聞於今而秀民子弟持身正大謹於素履
不以苟賤自居彬彬輩出復有以繼夫滅明者
是則先王垂教之意書院之所自設而深有望
於方來也王氏為鄉著姓以貲甲郡中仲字威

鄉好賢急義尤崇尚文學嘗割田二百畝益州
學田高唐武城夏津三縣亦各增田百畝時祀
庠膳胥此焉給其於是祠書院力獨任之嗣子
又克紹承卒父之志可尚也已故不辭而詳載
之

重脩丹陽公祠記

蜀江周洪謨

翰林
學士

道也者仁義禮智而已矣大而治天下小而治
一邑夫豈有二道昔者吳公言子游為句吳人
而悅吾夫子之道北學於中國卒能以文學禮
科而得夫聖人之一體至其宰武城也夫于入

其境而聞絃歌之聲乃喜而戲之曰割鷄焉用
牛刀公以實對曰昔者偃也聞諸夫子曰君子
學道則愛人小人學道則易使也他日又以得
人為問公對曰有澹臺滅明者行不由徑非公
事未嘗至於偃之室也是知公以道化民而得
施教之本以道求賢而得取人之實自非平昔
之學道於聖門者講之明而信之篤其何以能
措之行事乎後之學者講道不明信道不篤為
口耳文字之學以撝富貴及其仕也侵牟百姓
以肥其家曾不知以化民求賢為務則其所行

下於公者亦甚相遠矣自公之沒餘一千年而
慕爾武城奉祀不怠豈非道之在人心者不泯
而企望高風者自不容已乎祠在縣治西十里
絃歌臺之上未詳所始為翰林學士王鶚識其
重搆石刻猶存余友合州伍君元吉自監察御
史出宰是邑八年於茲以愷悌為政崇重學校
茂敦化理蓋其施之政者一以公為法而又偕
縣僚李縉劉智典史段鑄捐俸以新其屋宇飾
其像位每月朔望率父老諸生謁拜祠下春秋
致享益嚴無懈可謂景慕效法而見諸力行者

矣元吉乃以書來介進士遂寧章論屬記祠事
故書其梗槩如此若夫公之封爵唐開元始封
吳侯末政和加封丹陽公淳熙間改稱吳公故
祠額仍扁丹陽公云

重修武城儒學記

南陽李賢大學士

昔者言偃為武城宰以禮樂為教而民皆化之
興起絃歌之聲自後千八百年而是邑之宰能
繼言偃芳躅者幾人哉今伍君善以監察御史
出宰是邑能景慕言氏高風謂言氏教民者禮
樂之道也而明此禮樂之道者則必由學校焉

故慨然以作興學校為已事觀其舊模之狹隘
卑陋也必欲新之而後已撫字之餘藏之胸中
既而政通人和乃熟計之曰可以為矣遂率僚
屬各捐俸資之邑之義士多願助焉由是措置
鳩工凡百所需一時咸備自正殿兩廡以至門
堂齋舍一切增新改作比之舊規高大宏敞奚
啻倍蓰往來之人觀其壯麗莫不起敬伍君於
是走書至京乞予為記以為斯道之重予惟伍
君是舉誠可嘉尚而君子成人之美為記與之
可也雖然言偃聖門高弟子也優于文學列於

四科而於禮樂節文度數之詳講之明而行之
熟觀禮記所載可見矣宜乎能以禮樂教民者
君其留意焉必求言偃所講所行之禮樂言而
履之行而樂之推其躬行心得之餘以教是邑
之人使君子學此禮樂之道而有愛人之心小
人學此禮樂之道而有易使之意夫如是則斯
學也方可謂之作興矣不然但以重修為功而
不以禮樂為教則是邑之人日用人倫之間不
知序而欲絃歌之聲變為美俗不亦難乎嗟夫
人有古今人異而理之在人心者則無古今之

殊也。孔子曰：斯民也，三代之所以直道而行也。蓋謂今此之民無異於三代之民，向使言偃生於斯時，必不能舍禮樂而教斯民。伍君果能體言偃之道以教民，而民之所感化者，必不異於言偃之時所化之民。是能繼言偃之芳躅也。其於國家建學立師化民成俗之意，豈不深有副焉。後之人繼宰是邑，恒以伍君之心為心，而無愧於言偃之教人可也。

重修武城廟學記

安成彭時

翰林學士

武城山東名邑邑之有學始於宋其建置歲月
蓋莫於考矣

國朝洪武以來屢加脩葺而弗改舊觀歷年滋久敝
陋滋甚天順丁丑合陽伍君善來知縣事顧而
病之即欲改為以時詘未可舉羸而止越三載
政令大行民力以紓乃率僚屬捐俸為倡義士
咸樂出貲用助經營於是僦工掄材盡撤其舊
而新之中建大成殿飾聖賢遺像東西翼以兩
廡肖塑從祀諸賢如像前為戟門又為櫺星門
門內東西則神厨庫并齋宿之所列焉殿後有

講堂堂左右為日新時習二齋附堂之東為文昌祠其西為諸退息之舍高卑廣狹悉協于度黜聖丹漆各以宜施而棟宇宏麗垣墉崇固加于其舊遠矣經始於辛巳九月落成於癸未三月役雖久而民不勞費雖多而民不病係伍君規畫之有方也教諭安成歐陽辨訓導泰和歐陽琬與諸生合辭言曰茲學盛美誠昔之所未有宜刻貞石以示久辨乃具事始末屬子記嗟夫學校王政之大端有司之先務也自古明君良臣所重而不忽遠我

列聖建極于上惓惓於興學育才申飭獎勸兩極其
至而天下之學政有興有弛者係于郡守縣令
之賢否也賢如伍令乃仰祇德意俯罄厥職一
新廟學於廢弛之餘其勸士之心至矣而士之
未遊顧廟學之新可不自新其習耶繼自今固
宜變因循以奮厲易浮靡為純雅去記誦之陋
而加真知實踐之功體道成德一以先聖賢為
標準使存諸身心見諸行事粹然出于正無異
端他岐之雜則學成德脩不惟出可以應
國家官使之用而其風聲氣習又足以歆動鄉邦而

美其俗夫如是然後無負於賢令作新之功也
抑予聞武城人材自昔已盛名公巨卿載諸史
冊者前後相望近年以來若少師工部尚書吳
公中禮部侍郎王公士嘉皆名重于當時者也
得非地理靈秀之所鍾與矧今賢令為之作新
吾知是邑人才之出將愈久而愈盛矣後之人
奚可不於伍君是思哉

重修城隍廟記

邑人劉希稷

戶部主事

武城古邑也書於左氏秦人代而取之者晉也
入秦未久復歸於晉邑食於平原君者趙也趙

并於秦卒為後人驅除邑之名始著者漢也漢而下或沿或革或為清河或屬貝恩終移今治者宋也宋亡入元延及我

朝肇修城郭隍與之俱且廟貌巋然勒之二碑併為之辭以貽後人福吾民於無窮顧其他德政不可勝紀者前令閔西妣侯顯也廟久漸圯邑鄉耆十數君慨然合邑人之力復之為之倡者郭翁宏謨馮翁鳳端也二翁之心將以永妣侯之德非自徼福而已也乃若正殿宏敞像設儼然左右廡若干楹森列林立工作雕繪之功望之

者有不可犯之色。君子謂之敬鬼神而近於怪者。邑人之儻觀也。九月朔望必告辦香斗酒薦先后。麟集正月元日元宵為尤盛。如趨市然者。邑人之祈祝也。或以父母或以舅姑。或以昆弟或以良人子姓之屬呼天叩地。將以降福無涯者。祈祝之情不一人亦隨之也。與自設險守國之論興。城隍廟食綿綿延延屹然。至於今不可廢者。以其神也。然邑人知以廟貌為儻觀翕然祈祝之。若恐後者。易之設險守國之道。或未之知也。雖薦紳先生難言之。夫令之責也。既而

告成事間以記屬者二翁也重違二翁之意為
之記且自幸附名姚侯之次者郭之外後子馮
之甥也記之者誰也後學西田劉希稷也

漏澤園記

邑入梁端

國子
助教

漏澤園者古未聞其名而今始有之蓋創而建
之者欲叔瘞民間死者無主屍體俾不暴露天
地間以傷和氣乃仁人君子之宅心也考諸帝
王世記云殷民言武王伐紂之後於仁人也死
者猶封其墓况生者乎於賢人也亡者猶表其
間况存者乎此先王之仁澤見於經者之不泯

也洪惟我

國朝列聖相承循用是道推廣仁術於京城東北空
閑之方建立是園則天下遠近無主屍骸皆收
埋而無暴露之患誠盛世至仁之典也但天下
有司奉行者少山東大參屠正邢公仁人也由
名進士任邑令陞郡守而仁政洽于民者深仁
霽達于上者久故推選至此其發政也體先王
之仁而非仁不爲其宣令也遵

朝廷之制而非制不行每於旬宣所屬訪有是園者
令增廣之而無是園者令創建之俾無主屍骸

有所掩藏而無暴露之恨也武城大邑咸寧王
公君子也聞邢公命奉行惟勤乃於城東北隅
厲壇之側創立是園其地五畝長短廣狹如一
法築以固垣林木陰蔚漏澤之園以立凡內外
無主屍骸無不收瘞則魂有所依魄有所歸皆
含笑地下而無倚草附木之恠此王公之陰德
及於死者不可量而邢公之仁心著於生者不
可掩夫死者尚蒙其澤况生者不蒙其惠乎哉
然此特予所聞所見而已大叅公果能擴充是
心俾本藩所屬地方在處皆有是園死者俱蒙

其惠生者必感其德而仁澤流衍洋溢無窮將
與天地上下同豈曰小補之哉傳曰有陰德者
必有陽報二公陰德之及於死者如此而喬遷
津要垂裕後昆其陽報必昭昭然矣予見大尹
公所為若此喜記其本末俾勅諸貞珉用垂不
朽後之旬宣令邑之君子觀是碑者莫不感發
其心推弘其仁俾人之生死咸蒙其澤則其仁
澤之流又豈有窮也哉

王烈女傳記

邑人王道

右傳即

武城有死節女曰王大兒大兒家世賤貧父母

皆朴訥無所能解大兒生不聞姆教長情閭範
乃獨閑女則趾不踰閨聲不度垣者十有八年
雖組紕之習媿媿之脩未始聞夫人人其居固
然然無儀矣亦甚異也笄後納全閑秦氏子幣
未行值劇賊劉七揚虎亂山東轉襲郿邑大肆
淫掠迺正德辛未六月八日掩至武城勢張甚
大兒居適當賊衝有傳賊率令其衆無犯士人
室者毋喜欲大兒往依舍西老儒王先生以避
之大兒曰止止兒生不省識王老生面今可入
其門耶亟冒父故媢衣衣履履闢後戶以其童

養弟婦與大兒年相埒者出走賊望見識其女
子露刃躡之大兒度不免且罵且趨至夫氏園
有賀井馬大兒躍曰兒得死矣遂投入弟婦繼
之賊得巨得舍去有汲者見之乃轉告他賊賊
喜垂綆下械曲爲好語誘之果縋弟婦以上大
兒獨奮罵不顧賊怒掀甃甃尺許擲之大兒遂
墮井中明日賊去父母出大兒視之瘞於井傍
哭之慟且教大兒曰狗留婦不死兒死兒何痴
狗留弟小名王先生往曉之曰何物淤漑產此
芬葩死賢不死者萬矣父母稍稍泣息答言

然亦竟不知大兒死之為烈也後十年僉憲江
樓錢子行部至邑刺得大兒事喟曰是與古投
崖者無異而泯沒爾爾何以耀貞何以鏡汗何
以熄亂三典不興責在觀風迺命有司為大兒
立祠里門額之曰烈女祠而鄉人因通稱之為
王烈文云 論曰余嘗與烈女家並居王先
生者先吏部府君也余故知烈女事甚稔昔官
留都嘗與友人夢漁徐子道烈女事夢漁籍其
名許為傳之江樓既用余言祠烈女而又弔之
以詩烈女不可謂無所遭矣嗚呼翁焉一女捐

生以察其身初不斲人之知也而吾三子者鄭
重之若此何居

太守陳公生祠記

邑人王道

武城東昌屬邑也地勢卑下而衛河行乎其間
每河漲輒被其害嘉靖庚寅秋大熟未獲水忽
大至田禾漂沒室廬傾蕩民苦昏墊未知底定
而秋稅之符又下四境嗷嗷已分溝壑矣于時
今山東方伯芥山陳公適知府事聞民之急親
往拯之發廩勸分罷征已責生者散財死者急
拯俾免於流離暴露之厄民以稅告公曰我在

其無恐廼奏請捐卹帑白金以兩計者凡四千八百有奇用代一邑兌運之額

詔可之民賴以甦於是老穉婦孺子相率涕泣焚香籲天曰公活我我何以報公也越八年戊戌秋水再至患加於前特公以督視兩浙學政去郡久矣繼守寧州呂公籲因民之哀考按故實得請如公民又賴以甦復涕泣焚香籲天曰公再活我我何以報公也久之相與謀曰公之德在吾邑天下不盡知也公之德在吾心吾之子孫不盡知也其惟生祠乎昭遠垂後以永吾思其惟

生祠乎值公已歷陝右憲長晉轄東藩迺介貢
士劉希契上白其意於公公堅不可衆弗但已
也晉告於邑侯丘君道明丘諭止之曰爾舉誠
義也公意不欲柰何退又謀於鄉大夫士鄉大
夫士善體公意者亦諭止之衆又弗但已也介
希契往白於嗣守當塗喻公智喻檄若曰背惠
者不祥師古者永世吾民之舉匪徒報德亦以
示法也有司者其聽之於是閩境聞命忻然趨
事相地於城西河水之壩築而崇之南向為堂
凡四楹中有公像左右列廡各四楹以為致齋

列狝牲之所前為儀門又前為碑亭儀門之間
轉而西向面河為大門額之曰東昌太守芥山
陳公生祠經始於壬寅十二月癸巳日次年四
月己酉日告成事焉嗚呼天下之理感與應而
已矣上之感也公且誠則下亦以公且誠應之
公則其施也溥誠則其入也堅故雖藏於田夫
野老之心愈於金石而更以天時人事之變者
新如旦暮斯固威有所不能斂理有所不能格
也昔在宋至和間西蜀弗靖張公方平往鎮撫
之民賴以寧後遂留公畫像於佛寺以系去思

匪直公不能禁鮮其鄉先生蘇明允氏從容曉
譬而終不能回也以古准今殆有加焉無弗及
者感應之妙至矣哉或者曰祠也者所以事神
也生祠非古也是不然石相之祠樂公之社禮
以義起者厥惟舊矣宋有朱去泰者曾為海州
既去而吏民思之為主生祠一日方奏事忽醺
然大醉上詰之對曰臣素不飲此必州人饗臣
爾覆祝之果然用是而觀人神一理感應一機
顧誠與公何如耳昔者公也舉其愷悌父母之
心施於有政初不靳民之何如也而民思之久

而不忘如此自今伊始瞻仰有像盼蠻有儀歲時伏臘相奔走拜稽於祠宇之下輸其涸轍再生之誠以效南山萬壽之祝精神所極隔閭潛通純嘏之福不止萃於公之身也公之于若孫亦必有陰食其報者矣一醉之應惡足為公道耶公名儒字汝宗錦衣衛人起家癸未進士文章政事蔚為時望而剛方廉節可屬大事不啻為張文定者他日勞著於國法施於民祀典昭然當通之天下傳諸後世而此祠則所謂掘井而得泉者也雖不專在於是而實於是乎先焉

斯民何其幸哉祠之初建也愚不佞嘗以公意
止之期不聽及其成也顧不見過而猥以記屬
義叵得辭乃為直述其事如此蓋亦竊比於我
老泉云

泮井泉聲記

晉江允麒知縣

邑有井非一茲獨記之何重其勝也按郡志武
城八景有泮井泉聲之句世代更易井地湮塞
雖邑之班白者莫詳所在歲戊申二月望日余
公暇鳩工平舉宮旁地得井處焉工人走告遂
偕邑博陳君淺泉司訓王君沙苑往觀之果為

勝蹟率生張君素輩告余疏濬閱三日及泉其
味甘其源湧其聲清以雋往來井井者相踵於
學宮之旁邑之諸井多苦而少冽遂寡利鮮濟
同寅守靜李君峪峯趙君謂此井不可以無記
也因屬筆書歲月迺有感而言曰易云井泥不
食舊井無禽又云井渫不食為我心恻夫泥而
不食其責在我渫而不食其責在人士夫出處
或以井為喻然此猶循常襲故之言耳余謂古
之聖賢其道常通其功常及物其名常見知於
世故曰井冽寒泉食謂渫而不食其信然耶如

井之湮塞雖久而今能終廢之者哉養而不窮
叔而勿幕爲名井矣今之不遇者多歸之命井
之未滌云耳因書此以自信且以激多士使因
此而有感焉武城多士教用者如茲井矣

碑

元高唐大中大夫臨江路總管程公之碑

元虞集

國家建官分職以治邦政而亭驛騎傳之事居
其一焉爲之通政院其秩甚高人不以爲恭或
以冗見廢未久迭復所係者重故也今輿地之
廣舟車所自前古未有朝廷發號傳命四方述

職納貢軍旅之急遽事變之伺察萬里之外計日可知此樞要也至於審富貴以定多寡之數權輕重以均勞役之殊使力役常有餘而不匱者則存乎其人矣故鄣符出納托諸國人而視文書別情偽自非敏習於當世之務則莫能如此若高唐程族是已族自至元初入官自椽通政積階三品凡十有三除而七居通政幾如昔人因官爲氏而長子孫者矣夫爲政非其人則不能通練以成功然自非廉慎者則亦莫能久是以難也矣之出守廣陵以其土風尚武而好

獵也思以禮樂化之請于朝得郡教授與之俱
往而民知教守東平言于朝曰木華里國王定
中原有大功分地東平而無廟以享之無以係
邦民之思蓋闕典也事聞朝議是之為立廟而
民不知勞歲時有常祀至今不廢嚴武惠公始
以東平內附承制一方隱然藩府之重士民多
其故吏部曲子孫畏愛之不忘而其諸孫仕者
寔少侯為上言其孫得官領其軍為萬戶東平
素號多文學之士進士第二科侯所舉送郡士
曰霍恩齊者偶冠多士侯欣然為里門以表之

而學徒競勸歲北旱侯禱於狼溪龍祠大雨輒
應為轉運使運粟視常歲增十八萬餘石遂受
上賞高唐有亡金太師孫文鐸之墓而後人寢
微不能守侯為考墓碑而表之南方武官有赴
調京師者困不能自存侯餽穀之且為之言卒
得佩虎符以歸遼陽達官有私良民為奴者久
不能直侯治之悉還之民凡三百其居家治官
守郡理財其能急先務者如此而獨以通政之
績聞豈非以其歷官之久遠乎初江南既歸版
圖貢賦之入朝者不絕衛輝之景籍輸送之卒

為戶萬三千有奇及開通惠河物以舟運而衛
輝之卒無所用侯以慎府行傳請以其戶補驛
人力役之乏絕者役分而力優公私便之凡所
以布上恩而達下情者內外遠近無有闕事皆
委曲成就於文書議論之表不可屢數也累功
增秩官以四品賜金為鈔五十貫侯諱思溫字
仲和高唐州武城縣德化鄉王昇里人祖父著
通治律高唐鎮將劉海薦其才於叢武惠公用
之幕府治獄以平允稱贈中議大夫安定伯祖
母贈安定太君父遂通以軍功為百長夫宿勤兩

軍副鎮撫福建提舉工匠官贈大中大夫安定
邵侯母贈定邵太夫人子曰式早卒孫六人曰
主善者用侯蔭為瀏陽判官云云

明故光祿大夫柱國少師工部尚書追封荏平

伯謚榮袞吳公神道碑 廬陵楊士奇太學士

公諱中字思正姓吳氏世家山東之武城業儒

曾祖淵祖興仕元為任丘令考成皆以公貴贈

榮祿大夫柱國少師工部尚書曾祖妣李氏祖

妣陳氏妣董氏皆贈夫人繼妣楊氏封太夫人

公洪武戊寅自國子生授營州後屯衛經歷陞

大寧都司經歷

太宗皇帝義旗初舉師至大寧公以衆出迎公潔白
豐偉應對明揚上一見拔於群衆中賜襲衣命
守會州教士卒力田南兵攻城公率衆卻之移
守薊州捍禦撫綏具有方畧賜衣服器物以嘉
獎之遂命署北平布政司理問陞經歷給餉運
贄城守俱效勞績陞大理寺丞是歲旱蝗公言
此由刑濫所致皆臣等之過乞戒飭法司務寬
平未幾陞少卿以發姦慝陞都察院右都御史
將營北京宮殿改工部尚書奉命取材於蜀還

又命董餉北京賜帛六百疋

率駕北征公扈從兼督餉運既還丁外艱歸起服仍命董宮殿營繕公言營繕吉事臣喪服未除非所當預改刑部尚書後以言事忤旨繫頌

仁宗皇帝嗣位復刑部尚書尋改工部兼詹事進太子少保

宣宗皇帝嗣位亦見信任陞少保仍兼尚書賜寶帶金織衣已而坐累解少保宣德某年隨

駕征武定州賜人口末遠供役使用

三聖皆見信任凡車駕行幸不以選適皆在扈從三

陵之建皆公董役竣事皆有銀幣之賜

皇上正統嗣位以公舊老復少保重建奉天華蓋謹
身三殿乾清坤寧二宮命公董之早暮勞動致
疾功成公雖在告嘉念厥勞陞少師賜白金文
綺加繡鞵衣無幾疾竟不起正統壬戌六月丙

辰

去去

訃聞輟視朝一日遣禮部尚書胡洪賜祭

追封荏平伯賜謚榮襄命有司治塋官其子賢
為錦衣衛百戶公爲人和易聞爽勤於奉公其
掌刑憲寬厚平恕恒躬視獄中命治穢惡疏枉
桎時飲食戒飭吏卒以時寬恤迨遷冬官職務

填委規措經畫條理井井心之默識雖久不遺
襟度有容雖忤不校或屈已伸謝愛護僚屬恒
掩其疵其佐在南京者嘗賦造海艘材於江西
浙江江西加數十倍時論譴譁公聞駭愕遽奏
罷賦悉歸於公屬官有器能者嘗獎進之先事
蓄材以應時需隨用皆足未嘗闕乏自正統末
京師多大營建悉出公家有司不知百姓不聞
此本

皇上之仁亦公預贊畫焉明於灼奸嘗四鼓入朝道
遇負鈔數十萬繙者公曰非寇而何命從者悉

繫以奏詰之乃造鈔匠盜提舉司寶鈔遂致於
法邂逅有見必上聞不以出位為嫌歷事

四聖皆承厚遇所得賜賚時鮮

與擬

宣德嘗賜銀圖書

其文曰和敏詳達蓋以况公之行云所得詩書
函蓋尤多自念父病奏乞停祿不允家居事親
孝嘗迎就養京師備極崇奉親沒致御祭之榮
永樂中命大臣之子入侍

皇太孫公推於其弟雖貴侍嫔戚鄉黨相與款洽如

布素時賙窮卹匱不問

識與不識與人

處謙和怡愉大

官中賁皆樂親之屬續之日衆哀悼之無間疏

戚高年七十一塋良鄉縣宛材之原配劉氏封
夫人男六景春景賢景和景宗景昌景芳皆側
出也女二孫男五子與公同朝交四十餘年至
是賢奉少保江陵楊公溥所誌墓文求書墓道
之碑遂益以予所知者序之而為之銘曰奕奕
吳公興自成均發軔伊始感會風雲共武之服
從師于邁攄勤效謨夙夜靡懈乃進棘寺乃陟
栢臺隆隆寵光寺衢恒開正法以施秉公持平
遇灾引咎

帝嘉乃誠遂掌邦禁詰姦刑暴惟欽惟恤恭

帝之詔再入冬官如古司空居民時利飭材考工鞠
躬致誠歷事

四聖陟降左右式桓厥敬迓多其績時備其望巖巖
師保六官之上曷不憇遺而遽長歸七十高齡
千古已稀壽富考終亦旣寧止史氏有銘詒厥
來嗣

明故通議大夫禮部右侍郎王公墓誌銘

泰和王直 太學士

王氏先居永清後乃居武城而忘其所以徙大
父勝剛父成皆有德善而不仕至公乃以儒入

官累進至禮部右侍郎階通議大夫而大父父
皆得贈如公官妣皆得贈淑人公諱仕嘉字道
亨五歲而孤母淑人教育之然聰敏喜學選為
邑庠生年十二已能賦詠作古塔詩鄉先生劉
中行見而竒之以擬冠萊公年十八克貢入太
學太學諸生讓其能擢為大同山陰令山陰民
獷得公教之以禮義均其賦役躬歷畝視勸
惰以課勵之人知公之愛已也莫不化服性明
達善聽斷有瞽者賫鈔百緡醉卧城南荆樹下
覺而失之訴於公公揚言此荆樹為孽當出城

按問民大駭從之公令人密捕不往者得一人
倉皇失措訊之果服還其鈔而罷代府內藏失
私幣而戶牖封識宛然莫知其所自王知公有
知畧召問之公視氣接似有物嘗往來而非今
跡疑為狙所竊乃以幣列庭中伺群狙過而觀
焉一狙果攫取之因詰其主皆款服盡還之官
人以為神自是隣邑有疑獄皆請決於公毋淑
人年踰七十迎養來山陰有疾公朝夕侍湯藥
惟勤而疾彌篤忽氣絕不可救公哀號不止聲
徹天地久之淑人復蘇人以為誠孝所感云公

忠厚愛人

上每欲用之而下不忍舍永樂初擢爲陝山按察僉事所至無寬民以西貢使失供應三司皆坐免未幾公復起監饒州陶器凡三十餘萬皆如期而辦授都水員外郎以母憂去服除改虞衡時宮殿大材皆積紫荆關山西軍民防守慮有失以公臨之令嚴而事安興濟河決妨漕運俾公涖屯田而往塞之不勞而成功陞北京行部工曹郎中而臨清舟楫往來帶磚者皆頌公之公尋陞陝西右參政

勃專理司事他不得擅遣正統初以少傅楊先生士
竒薦陞禮部右侍郎勤於稽古禮文之事兩知
貢舉皆以公得譽閔中大旱命公往禱之輒應
凡其所行莫不盡誠己未秋京師多雨公之居
壓焉

上知其貧命有司賜第東安門外給以材俾自營其
素行見知於上如此既三年以七十乞致仕不
許又三年再請乃許焉陸辭之日

上賜之酒給以道里費慰諭而遣之公歸頤神養性
手不釋卷汲引後進尤惓惓焉其質幹魁偉言

動不妄人皆望而敬之歷事五朝享有厚祿然
居處服食如寒士見人之貧窮無告孤而不能
婚嫁者輒周給而相成之若此類蓋多公生於
云云得疾却藥謂子孫曰吾年已至此死生命
也何以藥爲惜未有報君親耳其神志不亂如
平時越數日終享年八十七訃聞

上悼惜之命賜葬祭乃治墳於其邑城南先塋之次
云銘曰生既逢時出也有爲其德則優其才具
宜故功業日章而譽望四馳歸老於家不見闕
虧大耋而終一往莫追昭德有銘百世之思

明故吏部侍郎王公神道碑 分宜嚴嵩太學士

吏部侍郎王公諱道字純甫山東武城人也公之行義孚於鄉而聞譽重於當世偉矣昔在王德辛未之歲舉進士選入中秘時山東寇亂欲奉祖母避地江南上疏乞補學職詞懇切得應天學教授居二載陞南京儀部主事調改吏部驗封歷考功文選中更憂制前後在吏部十年雅操端潔大學士西樵方公上言王道學行純正識度宏遠可備宮僚勸講之職乃擢春坊左諭德公引疾固辭曰

朝廷以名器爲重不輕假人以不次之官而人臣惟
義分自安當致謹於非分之獲伏望收回成命
廢大臣所薦雖不得經明行修之士猶不失安
分知恥之人於是得

旨允以病歸公雖去而名益高士大夫日跂其復用
居一載起爲南京國子祭酒未幾又以疾乞歸
自是一意家居屏迹城府讀書講學種樹灌園
以自適蓋不通仕籍者十有三年而當時自公
卿以至其生諫薦疏日至嘉靖丙午起爲南京大
常卿未至遷南京戶部侍郎尋改禮部召掌北

雍履任三月改吏部右侍郎然僅閱月公已屬疾遂不起矣公貌厚而氣溫學篤而志遠始也馳騁詞翰既而歎曰此無益也乃研精於義理之學叔宋儒程朱書讀之既又取論語一部反覆潛玩有悅于心曰聖門平實簡易之學固如是也公雖潛心理學見世之立門戶相標榜者則深恥之嘗言漢以前無名道學者其人品如張文成曹相國黃叔度管幼安皆真道學之流雖釋老二氏亦各有所見不可厚非凡其言議不隨時苟同故能表見流輩大自樹立不為利

害所動進退從容累遷銓曹兩任國子執法端
教表率人才期於俗變風美入官雖久自奉如
寒素是以君子察其行而考其言推其用心而
需其柄用以福生民利

國家而天不憖遺遽云以沒嗚呼夫豈斯人之不幸
哉公所著有大學億老子億易書詩春秋等億
諸史論斷大學衍義論斷批點六子書及韓柳
歐蘇文若干卷公於書無所不讀精擇強記妙
契疾書其所論著義理深到剖決明當自陰陽
律曆醫卜農桑刑名地志之類靡不通貫曉悉

馮曾祖諱復禮祖諱綸父諱琮贈吏部郎中配
李氏生公公生成化丁未享年六十有一卒嘉
靖丁未七月二十一日訃聞

詔賜葬祭如例元配李氏封宜人繼張氏子男三人
長幼康舉于鄉次幼廣幼庶女適曹珮子徃承
乏吏部以侍郎掌部事時公爲驗封郎中特越
序奏改公爲文選子以此忤用事者至是幼康
以神道之文爲請曰知先人者莫如公然則非
子誰宜銘銘曰
世每遷誘襲利惜見所可赴若湍奔徃徃競取

以爭喧有篤君子視浮雲避遠聲利耳不聞退
然雅志樂丘樊玩心高明究典墳卓然大雅實
不群成均銓署揚令芬貪者可廉薄使敦翩然
謝世遺垢氛有考其不在斯文

祭吳公祠文

西田劉希稷

賢哉吳公孔氏高第爰宰武城人才是繫教先
禮樂絃歌百世文學允優式崇明祭維魯之治
遺化洋洋維費之境遺跡茫茫顧茲齊右邑名
頡頏聿修祠宇春祀秋嘗維臺屹屹維廟巖巖
書院日圯餘昔在函砌草繁密孰剪孰芟仰瞻

遺像色動青城西之麓甫十餘里邑人永思
維子言子孔廟既湮肅茲多士俎豆式陳維神
監止

祭啓聖公祠文

前人

維公司徒後裔慶衍殷湯迄宗微子世嗣允昌
篤生宣聖師範百王功昭天地永祀無疆

祭名宦姚侯祠文

邑人王道

畜我泐泐侯在琴堂民思侯斯媿召之崇觀我
與與侯在黌序民思侯斯適言之緒琴堂在右
黌序在左奕奕新祠繫侯斯安玉顯孔績丕承

下
我心慰我民斯永歆報忱

祭鄉賢祠文

前八

嗟地靈之漚秀兮蹇有開而必先苟修名其既
立兮亦孰盛而弗傳矧茲邑之清淑兮際鄒魯
乎山川挹丘軻之餘韻兮固自昔而多賢慨前
哲其日遠兮吊芳躅于遺編庶來者之有聞兮
企接武乎英纒卓郇侯之矯節兮幾忠孝而俱
全何太傳之知類兮胎六籍于言詮世紛紛其
尚同兮廷尉子乎靜穎彼史筆其洵直兮雖闕
虜其何愆肇李唐之造室兮突大理之桓桓繼

之者豈無人兮張公孝友而平寬矯清河之耿

介兮肯附麗乎時權在吏部伊何修兮昌黎至

擬諸青天嘻吁手臺察獨名干一代兮哀有宋

之南遷

此句謂馬默也詳考馬公非武城人今祠無之

天地閑斯賢人

隱兮竟寂寞乎胡元迨

用

代之撫運兮間氣離而

復完昌期會五百載兮時則有若三臣咤參藩

之殉節兮尚無愧于巡遠政循循而行慥慥兮

春卿雅重于朝端榮名高爵歆艷于里閭兮至

少師而終焉嗚呼休哉十二公兮後先相耀若

星辰啓佑此邦之人兮又奚啻水木之有本源

尸而祝之兮在禮則然惟仲春秋之吉日兮穆將
輸乎神進俎豆儼其輝光兮駿奔走乎衣冠疏
陳辭而薦誅兮冀昭格之弗愜

祭祝軒周先生文

熊榮山東御史

毓岱岳兮琇莖咀瀛溪兮英歌鹿鳴兮呦呦醉

瓊林兮巨觥尹項城兮周父擢豸繡兮澄清達

封章兮日月按西晉分韓調永寧兮雲掩改光

山兮花明初金泉兮雨潤詠紫水禽兮鳴憶大覺

兮陂澤器端木兮深玄賑窮孳兮弘濟流芳聞

兮廉乎著勲名兮彤闕僉巴蜀兮錦城賦歸未

五柳伴琴鶴兮希聲或孔瑟兮顧樂或冒鈞羊兮

耕棲槐軒兮鸞鸞逸海岸兮塵纓感弦國兮祠祀

報民功兮矜牲子東巡兮允思公神遊兮玉京

裕後昆兮麟子鏘遺嚮兮鸞笙索庶羞兮裡止

哀雲樹兮多情嗟九原兮如在神斯格兮簋盛

陳公生祠祝文 晉江陳露 教諭

嗚呼公其有大造武城矣乎武城屬在東昌當

天邑之咽喉為東藩之屏蔽邑小而政繁賦煩

而役重歲數稔猶未免於告病也矧重以水旱

之傷乎非有慈仁之守委曲以全安之其不為

溝中瘠者無幾已自公之守東昌也適武城苻
踐之秋也徵輸之檄方下邑民喁喁莫措手足
將轉而捐南晦矣唯公散歛薄征蠲疾施舍至
發郡帑以代輸凡所以撫字吾民者無所不盡
其心也已而病者甦羸者起流離轉徙者茅業
而復安民之享有今日皆公之賜也嗚呼公其
有造於武城矣乎在禮德施于民則祀之能禦
大災則祀之公可謂兼之矣夫祠以寄思也生
祠以崇祀也感而思之思而祀之可以觀公之
入人深也某等叨宰屬邑仰止休風維茲仲秋

春

特脩常典蓋公爲吾民而造斯邑某等亦爲吾
民而祝公也前令北軒趙公愧虛易公皆以卹
患賑灾有功斯邑者敢祀以配

詩

同潘屯田冬日早朝

唐張文琮

假寐懷古人夙興瞻曉月適晨禁門啓冠蓋趨
朝謁霜藹請九衢霞光照雙闕紛綸文物紀煥
爛聲明發腰劔動陸離鳴玉和清越

昭君怨

前人

戒途飛萬里迴首望三秦忽見天山雪還疑上

死春玉痕垂粉淚羅袂拂胡塵為得胡中曲
還悲遠嫁人

賦橋

前人

造舟浮渭日鞭夕表奏初星文遙瀉漢虹勢尚
凌虛已授文成履空題武騎詩別有臨濠上樓
偃獨觀魚

芳樹

陳張正見

竒樹舒春苑流芳入綺錢合歡分四照同心章
萬年香浮佳氣裡葉映彩雲前欲識揚雄賦金
玉滿甘泉

有所思

前人

深閨久離別積怨轉生愁徒思裂帛鴈空上望
歸樓看花憶塞草對月想邊秋相思日日度淚
臉年年流

對酒

前人

當歌對王酒匡坐酌金罍竹葉三清泛葡萄石
味開風移蘭氣入月逐桂香來獨有劉將阮忘
情寄羽杯

關山月

前人

巖間對月華流彩映山斜暈逐連城壁輪隨出

塞車唐賞遙合影秦桂遠分花欲識盈虛理方
知道路賒

怨詩

前人

新豐妖冶地遊俠競驕奢池閣間羅綺桃李雜
烟霞蓋影分連騎衣香合並車艷粉驚飛蝶紅
粧映落花舞衫飄野袖歌扇掩團紗玉床珠帳
卷金婁鏡月斜還疑蕭史鳳不及季倫家

題古塔

邑人侍郎王士嘉

十二
歲作

浮屠何代建峭拔入雲端絕頂登臨處摩挲星
斗寒

武城懷古

長沙李東陽太學士

野埃東連魯荒城北帶河遠山藏雨暗老樹得
霜多古邑今如此貧民奈何使舟樓泊近側
耳聽絃歌

吳公祠

南宮白鉞

禮部尚書

聞說絃歌廟茲晨始得來雨摧簷半壓風揭戶
斜開闢穴憐狐鼠侵堦惡草萊詩成增一慨誰
是割鷄才

同前

邑人高弼參政

游臺臨眺近長日對斜曛廟古存元碑人賢重

魯文鳥啼黃樹葉花落紫苔紋獨有千年愛絃
歌慰所聞

謁吳公祠二首

邑人劉希稷

金風動琴瑟宛宛九成臺遺像臨蒼蘚穹碑卧
錦苔花陰連砌密鳥影隔林迴文學傳鄒魯齊
歌月下來

村墟傳舊邑祠廟憶琴臺二月折新柳中秋臨
古苔攝衣階下伏歸袂水邊迴冠蓋崇遺學迢
迢驅馬來

同前

邑人劉希美

三河訓導

古祠縈野色與逐草亭隈趙邑雲初霽澹村月
半開登臺喧鳥雀馳徑倚蒿萊吳下竟何許長
吟近砌苔

清河祠下路春入白雲隈雨靜碑含潤軒明花
欲開青鳧鳴野澗錦瑟動田萊東望絃歌地空
山半碧苔

古邑聞東魯清風繞晉林絃聲迴近渚歌興動
遙岑紫鴈雲中翥蒼虬雨後吟野祠秋色霽渠
柳夾疎陰

同前

晉江充麒麟

遙想絃歌化入村
覓澹臺魯郊遺跡
迫趙邑古祠開
大道依人立
春風逐意來
正冠階下拜清
志迫雲苔

同前

晉江陳露

十年懷勝蹟
今日謁茲臺
事古流風遠
祀存舊化迴
疎林迷宿霧
斷碣隱荒苔
欲振絃歌調
牛刀愧菲材

題王烈女祠

江樓錢宏

山東憲副

武城環幾許
道化有餘光
黜虜當年患
貞魂萬古香
蒼苔封井甃
紅日照祠堂
吏部相隣舊
舊銘

言為闡揚

次韻

邑人王道

左論德

貞祠臨古道寒凜對秋光
事往心方白名壑骨
亦香煩言誰嘖嘖
英槩自堂堂
再拜網常計
觀風領激揚

同前

邑人王問

參政

有女不辱寇
茆屋也生光
一死心無媿
千年骨更香
血濺青苔
鮮名登白玉
堂清如此
井水宇宙自掀揚

同前

邑人王行可

外員

有生必有死死恨不流光節比冰霜厲名同蘭
蕙香甘心嬰白刃不忝入祠堂邑乘叔遺跡芳
聲永播揚

同前

晉江左麟

溝瀆非無諒斯人獨耿光時到身難惜義重名
自香從容歸本宅貞烈仰高堂正氣人皆有聞
風多奮揚

同前

邑人王獻可

豐潤知縣

王家有女子一死也流光鋒刃身軀剗青編姓
字香芳魂已杳香志節自堂堂觀風詩軌後萬

古衆稱揚

司前

邑人王幼康 舉人

武城王烈女一死發幽光
覩靈難為潔除松不
是香丹心凌宇宙玉貌
儼祠堂金石文章在吾
家世闡揚

同前

沙苑王騰 訓導

彼美王家女孤操日月光
墜崖起義古投水
名香邑薄女玉果玉香
脂粉歸泉石英靈肅廟
堂大夫風爾下千古快稱揚

甲午季冬八日入臺頭寺作
邑人高琦 進士

偶入臺頭寺，依焚龍象存。
前人布金地，古剎號沙門。
木葉冬猶綠，碑文日漸昏。
梵香清可聽，緩步草留痕。

泮井泉聲

晉江尤麟

泮井相傳古，於今始有微。
漱泉昭帝旣，流脉浸文星。
一本來洙泗，餘其會樂陵。
房豹守樂陵地鑿井得甘泉地
靈元不偶，巽序有奇英。

同前

晉江陳露

泮井傳今古，芳名屬有無。
何年埋土壤，此日出泥塗。
造物與神跡，飛泉湧異腴。
天心昭一鑑，地

利足寰區木輓聲聞急靈砂色獸珠金欄迎碧
砌清露落丹梧入口水凝齒沾身凍繞膚蟠龍
今欲奮霖雨慰來蘇

同前

邑人王幼康 舉人

薇垣粉署外巒序畫牆東玉梵何年塞金瓶一
旦通積羊祥吏治孔雀蔚賢風無用停汗鮒還
應奮墊龍

同前

雙山劉待時 教諭

宮墻銜佳致一水現於東古跡從來塞寺功今
始道響窮朱戶月清徹碧池風佇看霖雨沛朝

夕起蟠龍

秋胡墓

邑人高可大 舉人

不識秋胡墓人傳蔡氏河春秋行業在封樹薛
蘿多人遠空千古雲寒黯九阿獨隣桑婦事朝
笑柰予何

武城對月

康齋吳與弼

一鈎清照故園心獨倚薰風又一吟惆悵黍秋
金夜宿諸生共聽玉山吟

舟泊武城

前人

長年揆按裨謳停淡月疎星泊武城若使九原

人可作絃歌聲藁拜先生

過子游祠

關西呂柟

狀元

城西十里子游祠猶是漢朝建縣基若問絃歌
周末地白雲遙指魯東陸

題畫竹送王裕菴致政歸武城二絕

石首楊溥

太學士

十載南宮兩髮絲玉壺秋水共襟期潞河一棹
還鄉日贏得松筠似舊時

霄漢飛英五十年衣冠今喜賦歸田竹窓夢覺
風霜猶似朝鐘到耳邊

重過武城高大叅府中話舊
三山林瀚尚兵部

杏苑香花策馬同紫薇堂上仰高風誰知白首

重逢日握手沙頭似夢中

送王侍郎致政還鄉
廬陵楊士奇太學士

平生操節北瓊瑤身荷天恩到五朝為國一心

常耿耿歷官雙鬢已蕭蕭西人每見談仁政故

吏頻聞誦教條獨恨相逢各是暮白駒聊復永

今朝

同前
永新劉定之學士

津髮趨朝羨老成亞卿望重荷

恩榮喜看解組辭文陛得遂懸車向武城報國功名
書簡冊傳家詩禮繼簪纓于今暮景渾無累桑
梓陰中衣錦行

贈刑部王南溪詩

崑山周倫刑部尚書

三年前記領秋官並戴風霜八月寒冉冉白雲

連省畫昭昭紅日共心丹星纏貫索空真好

聖世臯陶法未刊慙媿我於君一體獨晉南國夢非

安

武城賑灾

天台陳子直山東參政

一夜驚濤百雉墮郊垆村落耒非牛刀欲試

應無地麟筆如存定有書堂宇已灰燕雀恨稍
梁空盡鴈鴻飛獨憐忝竊句宣寄索粟無多意
轉遠

絃歌臺

邑人梁竹蒲州太守

古今相傳重此臺臺端曾著割鷄才絃歌想像
應難泯道化循環可復回琴韻渾疑問白晝棠
陰猶擬護蒼苔春秋拜祀千年下仰止令人一
嘆哉

贈武城令姚微之

西涯李東陽大學士

寂寂維亭坐不眠偶從柱史識君賢劉蕡慷慨

陳言日宓子風流作縣年風雨繫船春樹底河
橋分首夜燈前武城千古絃歌意一度懷人一

惘然

贈尤見洲君尹武城

順渠王道

讀易當年幾絕編虛齋衣鉢有真傳數竒甲第
攻人拙道偶絃歌敷政平子產惠人明若火董
生論治戒臨淵求賢欲訊澹臺迹試向黌宮問
淺泉

同前

晉江王惟中

儀制司
貞外

青青御柳滿芳堤折柳別君手重携同臭芝蘭

偏在谷無言桃李自成蹊春回萬井看花發訟
罷空庭見鳥啼百里絃歌應有待牛刀將試武
城鷄

武城八景詩

邑人

層城暎照樹煙開薄暮溪聲動草萊霞彩斜臨
沙際柳雲光遙入澗邊梅千家砧杵鳴丹壑百
里風花半緣苔日下憑欄頻北望彤庭突兀
繞金臺

右層城夕照

泠泠泉水泮宮前天色依依動碧澗軒靜聲聞

雲外鳥林鳴清韻瑟中絃蛟吟寒溜驚春雨鳳
翥長風起曙烟紫霧潛通龍窟近祁祁時復潤
平田 右泮井泉聲

衛水東流樹影斜月明隱隱弄雲花漁棹初釣
龍潭下鱗閣遙瞻象闕賒千里天光浮霽渚一
竿秋色滿晴沙風生林谷溪波淨棹入孤舟驚
暮鴉 右東流釣月

煙浮南浦碧莎新溪水潺潺柳色春翠水清流
籠雨澗蒼苔依錦浪下雲津林疎苔徑飛玄鶴風
渺漁波泛玉鱗延目東川帆影靜白龍天迥散

塵氛

右南浦浮烟

青園臨眺入東風
萬樹芳菲曲徑通
午霽春容迴去鷁
春明錦花送飛鴻
丹連竹榭丹初繞
碧近苔階碧欲籠
咲折奇花雲外濕
天香裊裊動晴虹

右花園春色

高林雨霽物華秋
柳色迎人翠欲流
綠野烟消飛海鷺
青溪風靜浴沙鷗
江南貢賦朝

天關冀北冠裳近

帝州千里彩雲明
月表蒼生誰共廟堂憂

右柳林秋霽

雲空露滴桃園曙
袂拂金莖豎日紅
潤藁芳菲
明瑞諤清浮
濃艷依春風
朱華滿樹歌齊苑
玉液傾杯憶漢宮
湛湛瓊漿花下濕
河陽佳興幾人同
右桃園曉露

蓮池日暮水聲寒
渺渺煙波瀉碧湍
色淨笑渠鳴夕雨
香聞菡萏出層瀾
涼生莎溼金鱗味
花簇蒲汀白鳥搏
風入疎莖翻翠色
盈盈朱萼倚雲看
右蓮池暮雨

烈婦吟

劉希契

毅皇六祀煙塵飛
燕南劇寇劉與齊
絳衣大劔若豺

虎蕭蕭鐵騎來城西郭門矢下集如蝟允澤橋
邊多鼓鼙邑伯惶惶棄城走續紛士女驚魂迷
鄒家烈婦抱竒節捐軀投河河流低浮沉百步
竟不死滄波或有神相携狂徒飛矛去東澣芳
姿隱隱離清溪鳥臺柱史奏

彤闕龍章鳳翰光幽閨謀臣杖策翊鳴圖狼山一夕
猶悲啼嗟哉窈窕乃如此墜兵十萬皆塗泥白
日貞心貫金石玉沙碧草風淒淒湖海網常墜
復振令人終古留詩題

舟過武城

關中劉元凱
知東平州

絃歌寥寂武城中誰道當年邑宰功千載何人
與教化一時公論在兒童牛刀初試周官手鸞
鳥猶存漢史風明月夢回天欲語彩雲烏鳥過
山東

過武城見洲席上賦

莆田黃洪毗

監察御史

西河愁歲暮相對張初青劍佩來平野絃歌集
廣庭爐烟浮嶺月鳧影亂江星客子拚踈散塵
途幾醉醒

謁吳公祠

莆田林建邦

教諭

昔渡武城邑今登言子臺烟飛古蹟鎖祠向北

村開禮樂心猶在絃歌化復來時充侯見洲廣
有政聲故云廣

嗟欣此日返照射荒苔

拜王烈女祠

我聞王烈女氣節日爭光逆虜今胡在令名獨
彌香燃膏看古傳挹酒拜高堂堪笑狗留婦千
年共播揚

謁絃歌臺

嘉善顧奎訓導

劍珮來東魯春秋拜此臺絃歌雖小試文運喜
重開遺像今猶昔流風往復來松杉巢鶴處疎
影印蒼苔

題王烈女祠

古道今寥落斯人死有光
英靈千古在姓字百年香
骸骨埋江水封草下
廟堂平生金石操肯畏虜飛揚

謁吳公廟

平湖陸山

臨清州判

人心原有此絃歌特賴先生鼓
太和萬室昇平開禮樂千秋遺
化燦星河莫嫌雞肋春猶隘深
愧牛刀試未多一自

孔庭分

廟祀至今俎豆鬱崖峩

祭吳公廟

宋和韻

夷陵金重祭丞

魯論曾畿面相祀此欣來千載流風在三春清
廟開顏簪巢鳥鵲荒砌長蒿萊禮教今寥落令
人想偉才

前題

并陞陳邦政主簿

想古為治者崇禮教者誰先生治茲邑崇禮衛
水涯絃歌聲接屋千載猶遺登堂拜遺像令
人興遐思

前題

新鄉揚洲牧諭

稽首吳公廟絃歌尚有臺高風嗟古純遺像喜

瞻采俎豆蓋蘋藻宮塋擬斗台慚予踈禮樂無

計育英才

王烈女祠蘇和江換

真定姬芳訓導

敷烈唐樊實賢良漢孟光井泉周潔淨長井家

草亦馨香寧月黃巾月羞登白玉堂昭素不似

令烈女往遊西隣王吏部道殷勤成拙句貞德家烈女以吏部非親取往馬

為榆揚

羣貞歌

山陰傅亮息訓

吾聞秋胡妻當時溺此邦兼河留遺跡千載有

取光喜今千載後羣女踵其芳王氏冒白刃大

兒井中傷嗟彼鄒生婦衛流赴湯湯賢哉丁氏
女願與夫俱亡玉泉與玉香姚家節有雙所死
雖不同均能植綱常英靈逢義氣飛揚於泉鄉
芳名播寰宇享祀宜廟堂我作羣貞歌風彼兒
女行

蔡氏河

山陰吳文瑞典史

聞說秋胡婦誰知溺此河貞魂應浩蕩遺跡未
消磨派是當時派波猶昔日波如何千載後罕
見却金娥

過武城袁文瀚家題薔薇花南宮白鉞太學
堯奴杏婢柳輕狂也勞東君着意忙惟有薔薇
花更好滿枝金艷倚雕墻

重過武城贈筆袁文瀚書屋壁上

家住城西小市傍小橋流水接滄浪門無車馬
紅塵少庭有松軒白晝長開卷玩時春日永倚
欄吟處晚風涼詩成酒盡茶烟歇便是浮生一

日忙

過甲馬營有感

蒲汀李廷相侍郎

甲馬營中秋氣高趙家南渡火光銷桓曹只解
窺神器天子元來自有謠

書武城志後

封丘李章縣丞

禮樂名邦志獨闕我一詩鳥勸花前酒人歌歸
去辭

第九卷祥異志

志祥異何志變也變美以志志變以攷貞也一
邑吏民人事非貞亦足以上奸陰陽之和斯雨
暘恒若災疹荐生矣故志以此終焉所以存戒
也反躬以思理因天以達化民用康和時令委
順其端在司牧歟作祥異志

宋神宗熙寧九年大風壞城郭及官民廬舍

舊縣
遷今

治蓋本
於此

宋徽宗大觀其年芝草生于講武亭

元成宗至大元年蝗

國朝成化九年癸巳秋七月河決沒禾

十八年癸卯秋八月大水

弘治五年春旱大飢

正德六年辛未流寇陷城遊擊將軍許泰帥師
破之

八年癸酉秋八月不雨至明年甲戌六月朔乃
雨

十二年丁丑秋七月河決沒禾

嘉靖元年壬午十二月映碧樓南有孔出白氣

如烟七日乃止

八年乙丑秋蝗飛蔽天歲大飢

九年庚寅秋河決没禾地平水深丈餘濤聲若雷

溺死者數百十八公時賴郡守陳

十一年春三月不雨至六月淫雨

十七年戊戌夏六月大水河決如前如郡守呂公

二十三年甲辰夏六月大水秋七月復大水河

決平地水深丈餘歲大飢如郡守歐公亦

第十卷 雜志

雜志何志雜事也雜事何志焉志以紀事也貴

約而盡矧寓賢疑蹟存之而觀感興焉稽之而

聞見資焉固事之不可廢焉者庸可不紀之耶
作雜誌

元高唐令郭侃韋州鄭縣人世祖時為令蕪治
武城甚有惠政邑人具乞兒反侃嚴防守計勦
捕竟討平之後知寧海州興學課農吏民畏服
國朝定襄烈女姚玉果玉香二女邑簿廷玉女也家
世山西定襄人居常貞靜寡言笑正德辛未從
父任歷此時賊陷武城二女為賊所獲欲汙之
厲聲罵曰吾輩縉紳名流肯陷身狗虜耶賊露
刃驅之出西郭逼脅登渡女忽為好語詒之賊

喜舟及中流二女相携踊躍曰得所矣遂投溺
浮沉里許至城北有一老嫗望見哭令救之上
玉果已死玉香竟有微息嫗素善醫以藥投之
嘔腹水斗許而甦賊平有司上其事得蒙

旌表玉果墓

見墟墓

遊擊將軍許恭恭京師人正德辛未劉六楊七
亂武城首擣其鋒時恭為遊擊將軍奉

命追討大肆勦捕邑賴以全壬申四月賊再舉攻城
恭用奇計由臨清別道出其不意遂大破之至
今有遺愛云

東昌太守陳公公諱儒錦衣衛人癸未進士嘉
靖九年出守東昌時大水滄沒邑民飢甚不辨
官輸公賑恤方出郡蒞以代歲賦民甚德焉間
乃請諸當道立祠祀之前令趙時勉夏津令易
時中皆能附公存恤乃今亦得配祀于祠厥後
復兩罹大水郡守呂歐二公循茲美意遂多所
蠲貸一邑賴以延活孰非公之流澤哉祠見
祀典

耿將軍墓石

字刻磨滅
不可辨識

雙塚在雙塚屯二塚相依壘然可望里人相傳
為有神姑國初時士民祈禱每有徵應歲久人

遷不復靈怪其爲斷隴遺阡莫可考信

羊角旋風熙寧九年恩州武城縣有旋風自
東南未望之挿天如羊角大木盡拔俄頃旋風
卷入雲中既而漸近乃經縣城官舍民居畧盡
悉卷入雲中縣令兒女奴婢卷去復墜地死傷
者數人民間死傷亡失者不可勝計縣城悉爲
丘墟遂移今縣

筆談

附釋字志

廟附

陰陽子曰佛氏虛寂之教本不齒於儒紳而世
每崇奉之者以其有為善之說也末世滋偽善

念遷微歐公其亦有所感耶是故附之

寺宇 釋迦寺 在縣治東 大悲寺 在鄭觀官寺 觀官寺 在祝

浮雲寺 在占屯 三鳥寺 在曹官屯 龍行寺 在鄭家口 淨河寺

在屯 青龍寺 在火 五臺寺 在李家店 慶林寺 在饒店 三

教寺 在傳屯 卧佛寺 在劉官屯 興國寺 在善縣 石佛寺 在城

南正覺寺 在火 崇興寺 在南屯 清涼寺 在河

神宇 地祇廟 在城南 三官廟 在南門外

金龍四大王廟 在東岸 地極廟 在北城門外

武城縣志卷之下終

武城誌後序

己酉秋余計偕北上舟渡武城停棹
於河之滸入其境則見白叟黃童悉之
頌德青衿白哲濟濟象賢喟然而嘆
曰茲邑也其有古之遺乎因慨然思古
公言氏之烈問道河西瞻拜祠下復登
歌之臺望威明之廬將起言氏於九原
求其所謂禮樂者而學之或曰武城魯下邑

茲邑在齊右春秋時爲東武城遺碑古蹟
雖徙之而在也然泚言氏之舊矣余應之曰地
以人重名以實稱茲邑名則武城矣使有
聞其風而興脩復言氏之故則謂魚魯之
武城也亦宜於是始知尤見洲君字奉武
城亦言氏之徒也茲春余試禮曹數奇
因家君致政乞穀焉養計天曾命教是
邑始至謁見洲君溫良愷悌煦然可親

傾蓋間如坐春風箇月每相譙會曾談
民間疾苦則於興利祛害種々有條復
謂學校所以明倫文詞且非所先月餘出
邑史相示余披閱始末政之因革人之臧
否罔不畢陳而於學校田賦獨加詳焉
乃知昔時所覩民俗之淳古風之雅皆見
洲君之年有成明徵也余不敏奉是誌以
教多士可無用改轍後此兩宰者民情

治辭且盡於二帙間矣然則見洲君之宰
武城澤被一時其愛人也大其法武城法
垂於後其愛人也遠茲固學道之驗禮
樂其有與乎若謂古今之人不相及以絃
歌為絕響也則非見洲君誌武城初意
亦非吾儕所以自厚其身者因書此以質
諸見洲君曰然遂序諸末簡
嘉靖庚戌仲秋望日署武城縣學教

志茅蒲陽少蘇鹿林
建邾頓首謹序